



蔣氏家譜卷之八

裔孫識修輯

史稿 奉誌稿 家傳

蔣宗霸傳

奉志稿

居士名宗霸姓蔣氏奉化人爲人慈善溫謹口誦摩訶鄉人皆稱之曰蔣摩訶與岳林布袋和尚爲道契一日同浴長汀視布袋背上有目布袋曰吾爲汝所窺當去矣吾以布袋贈汝當代吾行化布袋歸岳林坐脫葬封山後數年矣越帥遣一卒入蜀忽遇布袋道中卒舊遊四明常識之乃語卒曰爲吾謝摩訶相見已近願自愛卒歸至岳林以

語摩訶摩訶曰吾知之矣一日造城遍別親知而逝
識按宗霸公行七字必大光之子顯德初人稱摩訶居
士娶趙氏任氏墓鄞邑盤山寺側奉化誌有傳三嶺始
祖也又按梵經有摩訶薩摩訶摩訶者華言善人也摩
訶薩者華言大善人也

升之公家傳

公諱侃字叔問一字升之宗霸公子也幼有大志不屑屑
爲生殖計倜儻好義有父風群庠頽圯拜跪不能成禮公
首捐金以助其成佃者負租投券願以子執役公憫焉焚
券而還其子多盛德事不可僕數守壽公在日每時而袋

側親聆微言醒然有悟常語人曰百
谷豪平津客今安在哉每好讀長吉金人辭漢歌曼聲謳
哈命家人擊鉢和情不自勝歛噓泣下大覺懷瑰皆郡中
稱善智識公與爲方外交謂詩通禪理倡和成集士紳家
珍之娶王氏子二長浚明次滔年若干卒塋鄞城南社壇
以子貴贈大理評事

蔣浚明傳

宋史稿

蔣浚明字彥昭其先常州徙居奉化神宗朝以布衣詔闕
上書論君子小人之黨言極愷切上嘉納之授溧陽簿辭
弗就豐稷上疏薦之稱浚明當聖治之朝矢肥遁之志懷

材抱德不鳴不躍若不及時登之廊廟資其輔轍恐黃髮
稿于邱園白駒馳于空谷除大理評事歷官金部員外郎
新法行浚明上疏言其不便執政大怒擬擯遠方豐稷以
其母老力爭之授無爲軍司戶遷建康戶曹政有不便者
輒與上官爭辯改紆而後已雖屢遭譴訶不顧也終以是
坎壈死論者謂其持身立朝堅剛正直有蹇蹇匪躬之節
位不酬德君子惜之

識按浚明公侃之子娶盧氏鄭氏贈文安郡恭人墓三
嶺龜山子三琚璿琬

蔣峴傳

宋史稿

蔣峴字伯見奉化人性剛不阿慶元二年第進士授太常
掌故改武康令有治聲調嵎縣燭幽摘奸民以爲神後拜
右諫議大夫事有不可必廷辯面折端平初除殿中侍御
史兼侍講侍讀史嵩之欲開督府與樞密李宗勉論不合
私請劾之峴曰宗勉無過臺諫乃耳目官豈受私請耶峴
嘗劾鄭良臣上曰良臣嵩之所舉峴對曰公論不容臣不
知有嵩之也嵩之復以書罪蔡範袁肅等峴曰此有用之
才不可誣也因自警曰勿欺心勿負主勿求田勿問舍號
曰四勿居士官至寶章閣學士卒

識按峴公爲如愚之子榎之孫琬之曾孫浚明玉世孫

伯齡八十一世孫也事迹家傳俱載祠志

蔣曉傳

奉志稿

蔣曉字堯臣伯父峴為諫議大夫以京官奏之曉謝不受
登淳祐七年進士作邑有政聲為文勁正閱全唐金石刻
最多故其文似之以將作監主簿終善威儀端坐終日不
倦所言皆唐宋遺事

識按曉公嶠之子浚明六世孫

蔣子杰傳

奉誌稿

蔣子杰字有立浚明七世孫也白幼穎悟過人未弱齡聲
名已動縉紳間暨長以明經舉進士于鄉會試南宮遂擢

以記注之職入侍黼扆出陪法駕太祖以其才良而行純
深眷遇之或命即物賦咏即奉制揮翰如飛上大悅特寵
賜和章有立以爲遭逢盛際實千載一時乃錄平日所賦
并他著餞贈之什共若干卷刻之金華宋濂爲之序曰昔
人論文有山林臺閣之異山林之文其體瑟縮而楛槁臺
閣之文其體絢麗而豐腴有立以粹然之學位居柱史曰
趨殿陛濡毫螭蚘回視山林不啻有仙凡之隔故其見于
辭者雲錦張而天葩明鐘簋奏而音律諧體製正而局度
嚴可以傳諸當今而垂于永遠後爲秦相府錄事奉詔與
夏元吉等同編昭鑒錄陞山西按察司使以風節自持憲

典肅清後改鳳翔府以寬濟嚴惠政尤多

蔣彥祿傳

蔣彥祿樓隘人洪武初貢任監察御史陞湖廣按察司僉事所至皆能振揚風紀

聖求公家傳

裔孫識

事當新造之際內則形勢未固外則物望未隆非有殊才特識必不能奠其基而植其本以裕後于無窮者大而一國小而一家莫不皆然方良翁公自奉而姚荒度之始僅僅數畝粗給饘粥數椽聊蔽風雨非有累世之資足以安享樂業而聖求公特起而承之一切家政倚辦于公公爲

人勤敏善區畫事親孝養志不怠夫人王氏賢而好施戚里稱貸與之不倦遠近咸呼爲佛子公諱克字聖求生二子長海次澤合葬牟湖竺山之原土名蔣家墩父老有能言之者

識按聖求公峴五世孫浚明十世孫伯齡八十六世孫蘭風蔣氏始祖也

雨蒼公家傳

裔孫識

雨蒼公諱澤聖求公次子豐頤廣顙隆準修髯眉目如畫望之儼如神仙中人甫弱冠頗通舉子業年二十三補弟子員厄于鄉選者再捐貲補入大學公雖恂恂儒者體不

勝衣然中實剛介鯁直不肯隨人世爲唯阿嘗作丹忠賦以見志其大旨傷時遠慮一往纏綿悱惻低徊無已由是公義聲震京師以疾歸居家孝友性成兄弟怡怡迨後公居前宅朝宗公居後宅此吾宗前後所由始也娶史氏孺人婉懿貞慤夙嫻母儀生四子樛楨棠楷女適韓氏享年六十有一塋于某處莫有能知其確然耆麥飯粬粬之節曷勝爲之泫然流涕云

識按雨蒼公爲峴六世孫浚明十一世孫伯齡八十七世孫前宅始祖也

蔣留馨妻姚氏孺人墓誌銘

許益

益之

謙授徒窮山朝夕偕諸生究心義理之學他偶有所暇非
博稽夫鐘呂亦箋註夫虫魚而已歌辭之類概不留心至
諛墓之文尤所當絕乃有蔣生自甬東道剡溪儼然造門
而請其容戚然其色昧然一似重有憂者余亟叩之曰君
何爲者生拭淚而應之曰生餘姚蔣延祚也生母氏姚孺
人不幸棄生而逝今將合塋于先人之壙而門之石闕然
無辭非所以妥先靈而彰世德也先生今之昌黎私竊有
請願哀余孤而賜之銘也余謝之曰此非余所敢受命也
生又固請曰延祚之母脩嘗艱苦實古今所未有不肖孤

生既不能榮其身或異死有以永其名苟先生不吝而寵之以文豈惟延祚啣之不敢忘抑先人泉下實拜賜之語甚淒咽余不獲辭因爲之覽其狀而聊加銓次焉孺人系出上虞之姚父曰仲書母曰龔大君孺人生而聰慧幼嘗從其諸兄授經塾師過輒成誦不三載盡通孝經論孟諸書大義後母夫人不令之學孺人中宵藏燈幃內涉獵經史有所問難往往拄諸兄之口而奪其席年十八卽歸餘姚文學蔣留馨爲室無何留馨夭折孺人幾不欲生而是時延祚方在衽翁以育姑之義止之孺人庶就食飲後果誕延祚孺人誓于墓曰亡人有靈使孤兒無滋疾厄則身

雖萬死亦奚敢辭會連遭舅姑之喪不施膏沐而容態婉然一時無恥之徒思甘心焉始而求之繼而危之終且欲殺之種種奸謀訖不能害而孺人之名益並日月爲昭矣孺人之事舅姑也能先意承志不失所歡其遇親串姻戚也務潔治蔬菜款洽脩至自奉則糲飯羹藿食無兼味所服御第布衣練裳而已終身不御綺縠曰焉有未亡人而致飾容止者乎至其課子也惟諄諄以忠孝爲事不欲以辭章之末邀當塗者之顧盼故延祚博學敦行哀然爲浙東儒者之望云盖總孺人之全行而觀之其好學也似大家其貞節也似嬰母其仁慈也似鄭夫人其勤慎也似敬

姜于義方之訓雖畫荻之嚴和丸之恪無以過也余雖不
文自信言無溢美竊自比于中郎之誌太邱林宗云爾享
年七十一而卒塋于某所一子卽延祚節義之門神鬼欽
之盛德之祥不于其身必于其子孫食報正未有艾也爰
爲之銘曰其堅也玉不可以黜而黷其節也竹不可以屈
而曲身集於蓼燕貽有穀貞珉之辭可述而讀

識按留馨爲棠之子澤之孫峴之八世孫伯齡八十九
世孫也

七世祖溥老太公祖妣高氏太孺人傳畧 識

我蔣氏自御史公發聞奉化屹爲南渡名臣再閱世而支
分姚邑子焉一身彷彿走馬岐山之日未敢以是爲熾昌
卜也又再傳而有前宅後宅之別居乎前者乃合余家叔
侄子姓數世宗派所由衍者也但時當造創力崇本業未
暇考典禮爲依據又時多海溢廬舍屢遭漂溺是某公後
名諱失考至太公溥而家勢稍裕堂構有基園田有藉牛
羊鷄豕畜牧之類庶且蕃滋稍成小康之像云公爲人沉
默寡言笑不妄交接力田灌園之餘把卷坐大樹下朗吟
細誦旁若無人者永嘉高則誠高元章同邑王性常皆一

時知名士與公往來酬和高風亮節掩映浙右識者多賢
之祖母高氏孺人佐酒漿以歡客勤麻絲以縫裳自大及
小皆綜理有法其桓太君之亞歟子貳人墓塋馬家堰北
歷年雖久封土依然俎豆之馨詎有艾哉

識按祖諱溥字元春延祚之子峴之十世孫伯齡九十
一世孫也

六世祖和老府君祖妣俞氏何氏孺人傳畧

作室蘭風以來至溥太公而隱有發祥之兆然數誕不育高孺人憂之屢勸公置側室以慶生蘭公曰吾自省生平見義必爲斷無絕嗣理置妾不賢反多家累無庸也後年五十果得和公公爲人豁達慨募寬博有雅量又好赴人急義聲滿人耳當溥太公時饒而多蓄蔚爲鄉里之望而公喜結納豪雋踪跡半天下所至嘗挾貲自隨相其緩急佐巨賈出納常得贏貲甲于姚封中明時歲一不登流莩載道州郡官力勸捐輸公應命助谷千石上邑主以給貧乏府尹賢之贈棹楔以示表揚公曰捐有餘以資不足固

生分內事况君國厯憂又奚忍擁資自殖不爲隣里鄉黨
先而敢以是博名譽爲力辭不可公諱和字茂浙長身玉
立高權豐頤術者云公應與卜式相如同爲世誦公恥以
他途獲倖卒以布衣終老孺人再娶先後競爽逢公義舉
從旁慫慂之不及未嘗勃谿稍形於色也公享年七十二
子亢彥京立直小宗迭分不能縷及綿本支瓜瓞之衍者
京公也京公俞太孺人出墓在姜港

高祖明遠府君暨方氏太孺人家傳

裔孫識

吾宗自蘭風創業以還蒙泉初發潛根伏脉隱而未揚再世失傳至太公溥而涓流鬻沸仿佛有聲溥之後爲太公和和兩世而爲處士視十八府君字明遠以行次名于世故遠近稱之曰視十八蔣老云公生而岐嶷特達狀貌魁梧落落有大志不屑事家人產暨陽定西侯以武功驟起名聲赫然郡邑大夫負笏郊迎惟恐不及與公有故嘗折柬相招公方銳意功名因慨然赴召時定西侯再出征緬甸延公佐畫戎幕上下巖險出入篁竹萬苑一生始悟知少游所語鑿然可徵會蠻遠遁詔貴班師定西欲上公功

除授官職公曰長槍大戟力既不任冒功授祿情又不忍
奈何以一武弁故繫鵙鷺翹而使之吞腥啄腐以終其身
也倚閭之望久矣請從此辭貴力請公益堅執拂袖而歸
自此倘佯田畝者幾二十年錢德洪楊珂者文成公高弟
也文成公倡良知之學東浙士大夫翕然和之錢楊誦習
師傳抱道樂隱公聞有慨于心特訪錢居尋端竟委輕拊
重扣盡發其蘊累日夜不倦喟然歎曰孔孟真傳乃在是
矣坐是閉戶潛思不妄交一士非錢楊接棹剡溪之舟即
昌黎枉高軒之駕盤桓往來以是爲性天之樂而已矣太
孺人方氏謹守家規訓子嚴而有法崇儉斥奢勵勤矯惰

不愧德耀之風享年七十一歲子三人一夔一鵬一鳳女
一人其克承厥志爲公肖子者惟一鳳公也墓塋西園之
偏語具記中

識按明遠公爲京之子峴之十三世孫浚明十八世孫
伯齡九十四世孫也

前錄第十四冊終此

贈與國皇公錄京之七期之十三身孫與四木八世不
嗣嗣其時中

一人其京奉烈志為各省千春歸一鳳公由燕整西國之
公附錄錄之風真事十一一魚子三人一蓮一柳一



會祖一鳳公世七府君祖妣羅氏孺人家傳

識因纂輯譜牒搜先人佚行考遺事始終知一鳳公之勤學鬱鬱不得志而竟賚志以沒也不禁泫然流涕曰嗟夫天之阨人也一至此哉公雖布衣終老其勵志也堅其操行也方凜然抱獨行君子之志識苟不爬剔遺芳載之家乘數傳而後公之盛德幾何不與荒烟蔓草同歸漸滅也乎公父視十八公曰與錢楊諸君子輩闡揚文成公良知宗旨褻然爲東浙儒林冠當是時姚方名賢蔚起科第甲天下公母方太孺人以爲士遭盛時而父老堯舜非所以表致身之義也于是力勉公以進取爲事公亦有志功名

朝夕一編寒不加襲暑不暇揮自五經而左穀而子史靡所不覽作爲制義尺幅洋溢不淹時晷圓視同學擗管苦索摛腎擢胃卒無佳句者公不啻奴隸視之及見試有司徃徃同列皆得志而公非以古見擯或以典見摘竟不得占龔序片席始而自信中而自疑終而自憤而遂溘然長逝也悲哉公嘗讀書別院將晚風雨甚過婦叩門借憇公窺其少艾致生瓜李之嫌拒之不忍延隣嫗作伴終去不通一語又嘗爲人書券後以事訟官其人求公手改一字持金納賄公揮之不顧是皆末世之士濡就而難能者而公獨能之良知之學淵源有自矣臨沒語孺人曰儒而無

成行而無名方抱慚不暇慎勿以誌銘煩士大夫爲也孺
人羅氏同里慶長翁女幼有淑德貞靜寡言性嗜書公夜
讀孺人必手爲粉餌以餉之遇試缺費孺人質衣賣釵不
惜也後公一年卒公所著姚江記異擬古詩集僅有存者
墓塋西園坤隅諱一鳳字洪基子二應斗早亡應文即南
陽公自有傳

...

...

...

...

...


...

...

...

...

...




先祖南陽公暨配張氏孺人家傳
孫識

先祖南陽公諱應文世七府君之子高祖和生京京生視
十八公視十八公生世七府君世七府君擁先世之貲不
問生產專以讀書爲事凡注書名畫之顛苟爲力可致者
不惜餼金圖之用是家計中落爲文與古不諧俗好累試
不售恠鬱得瘵不起南陽公生母羅太孺人撫公泣曰儒
本不誤人奈何自誤至此熒熒子母左撫圖書右填溝壑
智者不爲也乃棄孺業賈東關爲會稽巨鎮塩米山積商
貨輻湊距姚百里而近公卜居中市通有無以持羸資忠
信以待客始相習繼相信駸駸乎橐漸饒矣歸聘張孺人

中饋得主譽益遠播然地屬要津族凡有事于紹者過必
留留必餐豐腆雖異信好頗周故曰端人曰君子族之譽
公者無間言也無何族有巨豪所求不得適公堂弟某爲
匪黨株連豪陰主之詞并及公而公傾貲周旋事始得解
公幼而失怙壯而勤劬櫛風沐雨備歷艱辛稍復家業乃
一旦以無妄之灾盡挫生殖自覺忽忽不寧閉肆家居財
求益窘孺人百計喻之公瞠目視天蹙口出聲每長歎息
暮年得瘋痺疾醫藥不效一日自市返中道病作昏不醒
事昇至家沃以姜湯稍甦以手指心芴篲而卒孺人德性
貞良賢而通敏自公歿後撫三子俾使成立啓後嗣令緒

續先世鴻圖皆孺人力也公生于萬曆癸丑七月廿三卒
于康熙七年四月初一孺人生于崇禎丙寅八月廿八卒
于康熙癸亥閏六月初九後公十四年而卒合葬西園一
鳳公之右無錫華王澄題其主曰閩範淑德音有徵矣識
生也晚悲而輯之敢草率如此云

識按公爲一鳳子峴之十五世孫伯齡九十六世孫也



Faint vertical text columns, likely bleed-through from the reverse side of the page. The characters are difficult to decipher due to fading and ghosting.

大伯父習之府君配田氏謝氏孺人傳 侄識

伯父字習之諱可學南陽公長子公棄世時伯父年十九家無所事依舅氏張明揚學業于錫又發礎得埋金日就豐裕炎赫之威一時爲諸客冠公固性豪爽志言恢廓擁厚貲頗自鳴得意久之爲無賴所搆損所有三之一又自錫歸姚置田創厦費用不貲而橐幾不可問矣於是辭錫遊燕適謝憲章爲公妻弟陰給公而盡吾之不得志而歸然其雄名落落自如結客縱酒旁若無人猶有孟嘗之風焉田孺人恂恂馴淑克端婦道繼娶謝孺人甚才能伯父于康熙四十七年八月十五日身故享年五十八謝孺人自

公卒後琳宮寶刹無不瞻依裹糧束擔親歷燕京信闈門
之傑出者哉子三人天錫田孺人出天佑天鑑謝孺人出
女二人墓塋西阪謝孺人後公二十九年而沒

二伯父顯之府君暨伯母潘氏孺人傳

識自錫歸耕於種植事一無所闡而辨別菽麥灌蒔菘韭
蓋多得之二伯父云二伯父名德勝字顯之生而椎魯專
確厚重少文自南陽公捐館舍伯兄遠出上有嫠母下有
幼弟門戶偃蹇不足以贍度支公刈薪柴把鋤鑿身親勞
苦以給饘粥再歲伯兄與名于錫先君復能自奮勵二伯
父之肩始釋矣張太孺人卒公與大伯父先君各依分歛
貲成禮不以伯兄殷裕稍爲觀望拆爨而居公旣拙于持
籌又淺于問學惟是胼手胝足竭力南畝深耕易耨化豐
草爲嘉禾易汙萊而上腴由是所獲倍入嘗一搆人誣讟

後終得白其素所樹立然也力創田畝造樓屋皆以嗇用
致之不愧貽謀之善云伯母潘氏早亡子七女二享年七
十於雍正九年七月十五身故墓塋姜巷識循行田畝每
過其側猶憶問稼時諄諄告語也

蔣翁承之先生墓誌銘

陳元

余以病解組歸田杜門學圃悉謝四方謁文者而門人蔣識以其考行述乞銘于余余觀誌銘之作率多達官貴人其德業聞望彪炳足以鑄彝鼎而垂不朽者固有其人而鋪張粉飾摭拾虛譽以塗人耳目者亦比比而是以故誌銘之可傳者甚少蓋可傳與否視其人又視其作文之人不繫乎窮達顯晦也承之蔣君以布衣終老質直好義有古長者風殆賢而隱于闕闖者余於蔣君生同里聞其長嗣又從余遊知其行誼頗稔安敢以不文辭謹按狀君諱德謙字承之父南陽公母張氏孺人世居餘姚之蘭風南

陽有三子長習之次顯之君其季也南陽饒心計用計然策起家緣族豪以小事賺公度無可中公者乃誣公堂兄某以犯法事公極力營解事始寢家遂中落憤鬱久之遂搆疾卒君髻鬢哀毀一如成人禮稍長母命就傅數載君卽通論孟經書大義私念父沒母嫠治經生家言不足以應緩急謀諸母決意棄去時伯兄習之僑居無錫因奉母往就業焉居數載母卒君奉柩歸里經紀喪事遠近以孝稱事畢復往錫錫有褚翁者奇君以女妻之孺人賢而有德能相君聲名遂出習之上君寓錫久以先人墳墓在姚因率其長子旋里稍葺故居置田畝娶魏氏媛爲冢媳使

職蒸嘗焉族人多忌君者君遇之不詭不激長嗣亦善持
門戶卒無以相難自後君每歲必一返棹長嗣歲一徃省
率以爲常君爲人外極嚴整中實坦率無城府嘗收債歸
適遇故人陸某者貧無以爲生丐於君遂傾囊與之有盜
賊君篋君俟其出戶尾躡之慰以善言贈金爲資盜卒改
行後且富家夫婦舉金謝君却之甚固亦不言所以其好
行善事多類此從來樹陰德者天必相之楚令尹漢鄒世
侯華陰四世三公皆以陰德致孫叔及身于揚乃在子若
孫獲報若操左券夜光不脛嘉樹無言卒之華國而蔭里
儲精厚含氣完也君感格奸宄扶掖顛困培陰德于冥冥

中余閱君家傳而知君之必昌厥後也君長子次子俱受業秦太史留仙門下長子尤英異不凡爲太史所賞日後執贄于余余以大器期之其餘在家延名師課讀不稍縱逸也君長身玉立白皙廣頤鬚髯飄飄然望之若神仙中人力能舉千鈞顧醇謹自愛人莫敢慢之君亦未嘗以此凌人也性豪于飲晚食命其長孫本溶佐飲浮數大白後語及生平事迹娓娓不倦在錫嘗膺長吏獎藉當事欲舉君爲鄉飲副賓君曰羈旅之人得免罪戾受賜多矣敢叨大典以貽疾乎堅謝不往年六十秦太史留仙陸鐵庄楣製文爲壽姻戚賀者填門君興懷明發不勝泫然蓋孺慕

之忱老而猶篤也素強健無疾一日忽語其孺人曰吾將東歸可爲我治裝久之未有行意家人疑之適長嗣攜其男本溶徃省到錫君見之大喜曰吾將東歸遲爾故未發以手撫長孫之首曰勉自成立毋辜吾望長嗣異其言怦怦若有動于心者進言曰大人欲歸姑緩數日兒當偕行君笑而不答第整襟危坐促孺人舉酒至進五六巨觥面色微赤喉間喀喀有聲侍者疑君之醉而卽寢也舉而扶之而君已歸道山矣嗚呼卽君之始終觀之大抵敦篤倫紀內外無間言性豁達愷爽能扶危救厄其積德于隱微者初不欲誇張形跡此尤人所難達天觀化預知死期異

哉君生于順治庚子卒于雍正乙巳享年六十有六配褚氏側室朱氏子六人天釗名識入太學天鎬候選經歷女二人孫男十二人孫女九人曾孫男一人門內親指繩繩乎盛矣蘭風孝秀橋新阡蓋吉土也將於本年三月二十六日而歸葬焉余乃爲之銘曰粵惟蔣翁令聞嘖嘖孝友睦婣宗黨矜式寄跡市廛非專居積倜儻好施自姚及錫羽化脩然鬱葱窀穸揚厲幽光五火片石

蔣翁承之先生傳

嚴一驄

先生諱德謙字承之父南陽公母張孺人南陽公有三子長習之次顯之先生其季也南陽公之先興衰不一至公而家計中落度家居無以爲生因列肆于會稽之東關市著好義聲頗饒生殖族有奸黠累貸于公公與之不满意輒思所以中公不得乃誣公之堂兄某以犯法事公竭力營解事始寢而公之橐已蕭然矣憤鬱久之遂成疾卒先生時方幼齡居喪哀毀一如成人禮稍長張孺人命就傅比及數載先生私念父沒母嫠門戶煢煢無依顧日夕習此經生家言是坐待其盡而益之困也謀之母決意欲去

之會兄習之居錫因奉母同往就業焉顧習之爲人豪于
飲又喜交客所得金隨手散去先生規之不聽居數載張
孺人卒先生奉柩歸里經理喪事遠近嘖嘖以孝稱事畢
復往錫先生語其兄曰家僅敗屋數間荒地幾畝餘無長
物何不節妄費爲久遠計乎習之頷先生言而豪放如故
先生不得已辭其兄別賃屋而居焉力敦古樸有長者風
錫人翕然誦之四方之賈于錫者咸以得交爲幸故其名
噪于錫時先生年二十尙未授室錫有褚翁者習知先生
爲人以女女焉復置側室舉丈夫子六人長卽倍峯先生
也先生寓錫雖久然以先人墳墓在家偕其長君旋里稍

葺故居置田畝屬長君理之聘魏氏媛爲長君婦使居于家職蒸嘗焉先生又以故居卑隘思創新宇適伯兄習之建屢分屋數間照值償價以拓其居然是時族人忌先生之旣衰而忽興也又侮先生之初肇基于閭黨也幾欲魚而肉之先生處此不詭不激長君亦善持門戶卒無以相難自後先生每歲必一返棹長君歲一徃省率以爲常先生旣起家于錫而錫爲東南孔道凡戚黨之過錫者必造先生居先生以肥甘酒醴欸之務盡其歡而後已或有缺乏告者周之無少吝色隣有無賴某者偵如先生多金厚藏一夕踰垣入思眩先生篋先生覺而知之至尾之急具


以實訴先生憐之詰旦與金數兩勸之營生後其人業賈
異地積累至千金聞先生誕辰偕其婦餉百金爲先生壽
先生受殮返璧以賓禮待之諸君莫解其故惟孺人微知
之先生終不明也先生爲人外雖嚴整中寔仁慈嘗收債
歸道遇故人陸某者貧無以爲生丐貸于先生是時會有
要務需金甚急先生乃傾囊與之歸至家孺人詰其金先
生詭應之曰偶因失檢遺之道矣其厚于故人如此先生
撫諸子不爲世俗煦沫狀長君次君俱授業于秦太史留
仙門下長君英異不凡爲太史所賞目其餘諸子在家延
師課誦不稍縱之游閑也先生長身玉立白晢廣頤須冉

飄飄然望之若神仙中人兩臂力能舉千觔顧恂恂自如人莫敢慢之先生亦未嘗以此凌人也性好酒晚食命其長孫本溶攜壺侍側至數大白後語及生平事迹輒娓娓不倦歸姚與仲兄顯之坐語必舉觴舉觴必微醉喁喁不忍舍其至性過人使然也在錫嘗一膺州司之獎先生歉然辭之不敢當縣吏欲舉先生爲鄉飲賓先生曰羈旅之人得免於罪戾受賜多矣敢濫叨此大典以貽疾乎堅執不往於五十七年間分晰家政井井親族稱其賢年六十秦太史留仙陸鐵庄楣製文爲壽姻戚賀者填門遠近聞之靡不脩羊酒相謝先生酒間舉杯向故人言曰不意衰

宗孤子有此日也但恨先人早背不獲盡一日之養此心
缺然耳識者于此知先生之孝老而不衰也素強健無疾
一日忽語孺人曰吾將東歸女善視子婦輩又語諸子曰
女可爲我治裝女父歸有日矣諸子應之曰諾蓋家人以
先生欲返姚江故里漫應之若是久之先生未有行意家
人疑之適長君倍峯攜長孫本溶往省于錫入門先生見
之大喜曰吾將東歸以遲爾故故未發耳又撫其長孫之
首曰女爭自成立母幸吾望長君異其言怵怵若有動于
心者頃之進言於先生曰大人欲歸聊緩數口兒當偕行
矣先生笑而不答第整襟危坐堂上促孺人舉酒至進五

六大觴面色微醺喉間喀喀有聲侍者疑先生醉而卽寢
舉扶之而先生已逝道山矣嗚呼卽先生之始終觀之齋
于前而豐于後其積德于隱微者初不欲張弛其迹是以
一夕倏然羽化若委蛻者諸君輩俱英英秀發長君倍峯
尤爲鄉黨瞻仰其長孫本溶從予遊文譽漸蒸蒸起其爲
龍虎之變無疑予益信盛德之必有後也稍爲銓次如左
至其子婦族黨姻婭姑不具述見之誌銘可也

一、...
 二、...
 三、...
 四、...
 五、...
 六、...
 七、...
 八、...
 九、...
 十、...



先母褚孺人行狀

男 識

先母褚氏無錫臨岐里人其遠祖本錢塘自宋以來再從
至外祖君瑞翁居錫娶祇陀村倪氏而生吾母于女行爲
長年二十一歸先考府君諱德謙字承之吾蔣之先世居
餘姚蘭風元季而降譜牒散失我七世祖溥府君高不仕
之義與永嘉高則誠高元章邑人王性常相友善往來四
明山中時人莫測也六世祖和府君豪于貲喜任俠仗義
好施不倦五世祖京高祖視十八府君與錢德洪楊珂爲
友講明道學士望歸之至我曾祖世七府君爲人謹飭終
身由禮耕讀自好吾祖南陽府君家計中落列肆會稽東

閩市遭伯祖被累致變田廬代爲償楚無怨于是門戶衰
寒吾祖母張孺人十指以圖糊口時大伯父年長命往錫
依舅氏張奉揚習藝二伯父佃農我父尚幼有欲繼爲子
者吾祖母謝之不聽鬻舊產暨諸服飾供給殆盡亦遣吾
父往隨伯兄焉父年稍長謹持端默外祖翁竒之欲娶以
女介丁彤伯爲媒父曰予浙人也母老在家不敢從命後
奉母至錫翁又請曰吾女端重少不喜飾雖閨中人罕聞
言咲必能相汝作家後稟命于祖母張允吉比其歸也年
才二十一而伯父與先府君分爨吾母共甘貧苦起微寒
躬搨井臼勤紡績以供祭祀而恭儉益至年二十五育識

實康熙二十八年也時因店遭外侮幸得伸理而資本蕩然母無交謫也後奉姑喪歸里先府君偕行吾母相之盡禮一日先府君索逋歸道遇故人贈之母曰此義事也君第爲之我當節用而已夜遇竊者先府君尾而獲之給資勸其改行母曰此事母使外人知也外祖翁年老無子謀娶妾倪太君性極拙吾母多方寬解上下和睦終得子嗣錫爲孔道浙有親朋來往母給應酒食未之或缺母自二十一至四十五凡二十五年爲先府君左右內外延師就傅脩儀與物皆能佐其所不逮恒力行以率下人康熙四十七年十月率識歸浙娶媳魏氏俾守家園且謂店業非

所恃耕讀以供先祀足矣春三月母又往錫因諸弟皆幼
亟需教養故也自後識歲一徃省又以義兄多累店務不
寧居外時多雍正三年母六十壽諸親友皆慶賀適以浙
歲遇荒奉父命歸視直至三月抵錫設席燕賓先府君中
酒得風疾十八日終正寢嗚呼哀哉凡諸喪殮皆吾母爲
之含淚經理啓諸篋取白布縫衣遍給諸子侄孫三年之
喪畢于六年正月廿四日侍母往南海天衢諸名刹進香
歸家拜墓并爲幼弟完姻所因先府君停棺在錫諸弟惑
風水屢接擔延直于十二年六月送回十三年三月纔得
奉母送塋于孝秀橋之新阡時以水土不服母大人年五

月十一起身識送至杭城斷河頭命本溶侍往風帆靜坐
爲述一生相吾父作家之苦成立之難輒爲流涕識不孝
因堂弟涉訟不忍置之膜外欲徃省肘掣不能就道每得
一平安家報即欣慰于心適

今上鄉極母年七十欽恩賚賜外祖母倪太君登上壽吾
母侍同拜領猶能叩頭北謝爲太君曰母老矣兒可代叩
也二年十一月七弟歸浙詢云母尚強飯可虞者履步維
艱耳十二月十九弟返錫母喜形于色時識帶花皮母曰
來年可消閑也錫中田佃還租母曰夏間搗米煮粥可悞
老也自先府君沒後吾母奉家規以周旋一如先府君之

存所極不忘者外祖母年老舅失業而吾母食必有所存
以奉母也衣必有所餘以歸母也如是者無倦容也至于
諸佛事修齋設醮施捨之會必從預焉年七十一忽嬰疾
不起或請召巫母曰吾年至此尚奚求哉使巫能生人則
誰歟死者卒之日爲是年十二月二十二日嗚呼哀哉識
憶少時每夜讀書母必手女紅以相之嘗謂作家在勤讀
書亦應如是故戒勤之意至今耿耿先府君朝武當母率
家衆蔬食三月不怠曰父出外求福在家者敢獨肉乎先
伯父謀居失火先府君歸視吾母罄囊以速其行妹許符
即命檢還符票曰親親之道不足掛齒也識以塘工事未

竣失省被責實以委曲告母曰當速爲之成明卽盍行乎
沒時啓諸藏笥檢舊衣分諸女孫或意吾母必有餘資詎
毫無所蓄吾母之廉可知也母身敦厚面方齒白髮黑而
潤眼細而明衣履鮮潔坐必拂拭嗚呼言猶在耳色猶在
目今而後不可繼矣嗚呼哀哉吾母生于康熙丙午十月
二十九日卒于乾隆丁巳十二月二十二日享年七十有
二子男六人長卽不肖名識一名天釗太學生娶魏氏仲
千公女繼娶何氏莘友公女次天錡娶華氏子方公女次
天鉞娶陳氏宏如公女次天鎬娶田氏明如公女吾母出
三男天銘娶黃氏茂宣公女次天銳娶吳氏繼娶楊氏庶

母朱氏出女二人長適俞覺三肯思公子次適符科臣天
階公子孫男十五人長本溶名濂邑庠生娶石氏又申公
女次本澄娶魏氏憲佩公女次本汾娶張氏昌基公女次
本瀚娶何氏斗華公女俱識出本泃娶符氏科臣女本浙
娶華氏聿培公女本淳本泓俱未聘天錡出本滋娶丁氏
念誠公女天錡出繼天鉞本浚本潤本滂本泗俱未聘天
銳出本洽天銳出爲銘後孫女九人識出者四一適燦元
謝公第三子守熙一適次瑤陳公第三子志鰲一適際雲
潘公長子文炳一字士懷胡公子早亡銘出者一適田介
平子錡出者二未字天鎬出者一字何廷獻子曾孫男十

一人蘭森桂芳崧高本溶出松齡本泐出椿榮蕙林本澄
出廷槐廷樗本汾出紹棠本瀚出栢齡本浙出連桂本滋
出曾孫女九人爰卜今乾隆十四年二月十八日啓而合
兆焉距先府君塋時已十四年矣識不孝生無能爲養死
不能親殮仰荷

皇恩錫之粟帛又弗克獲以晚福登諸上壽呼號無所逮
及惟喪事有期所以埋銘于墓下者不假大君子一言以
爲不朽之地則不孝之罪其何追諸用是披淚爲狀仰干
大人長者惟少矜其志而亟賜之也曷勝悲哀懇禱之至
伏紙嗚咽不知所云謹狀

蔣母承之處士元配褚氏孺人墓誌銘 華希閔

晨起寢門方闢有深墨戚容匍匐而謁余者爲姚之蔣生
識識與余交契久厥狀可駭因詰之曰何爲其然也生日
願有請也余曰盍試言之生日非敢別有請也先母棄世
久柩停于錫生以母故寡不與樂不聞戲游屏跡忽忽若
有所忘諸弟願奢望巨異爲母榮識累欲輿柩返姚合葬
父兆弟以識儉母遺訊背爲齒冷因循至今使吾母骨殖
月冷風淒聒噪于鷄犬而不能一日安也識之罪其可擢
髮數乎今識立堅厥志載柩封土生荷同衾之恩死貽同
穴之誼先靈其克瞑乎惟是淑德雅操歷歷可數不得大


人一言以信來世知而不傳不仁孰大焉先生立言者也
苴杖衰經懼駭僕從不敢以入惟頓首固請敬邀片語而
賜之銘豈惟識銜結不忘波及先靈者大惠寧有旣哉余
不獲辭節生狀而爲之誌曰孺人褚氏錫之臨岐里人生
父爲誰君瑞是也生母爲誰倪太君是也女有五孺人居
長年二十一歸承之蔣公爲婦孺人釵笄者耳未嘗就師
傳習經義以爲樹德勵行資而處奉尊長周全內外進止
有儀動靜有則豐不害奢儉不傷嗇求之老生宿儒鮮有
孺人匹者其成于教乎抑性于素也吾爲摠而計之蓋孺
人之德卓卓者有四一曰敬二曰勤三曰慈四曰莊勉強

從事致飭彌縫者爲不敬筋弛骨懈苟安居處者爲不勤
甘不能分利不能推不慈故也笑也啞啞言也洩洩不莊
故也孺人之事姑也絜修灑而進之躬澣滌以御之呼則
唯問則對吾于是而知其能敬也其司家計也竹木無棄
財衣襦無華色先鷄鳴而戒旦後月色以縫裳讀者必使
之膏油繼晷業者必使之勩作勤勞卽閨門內母敢有聚
談宴游之失吾于是而知其能勤也通其無資其有戚里
之周不一而足壺殮之給弗靳而施長妣京邑返具道途
中落魄景况孺人不但責其負并不知涕之涔涔也故
凡匱乏告者望之如歸非慈母而何問有不櫛之最乎曰

無有也問有不沐之朝乎曰無有也一笑也而齷則閉之
一行也而嫌則遠之母論其他以子婦之褻靡不以客禮
相待故承之出若送入若迎奠缺之賓臯廡之案莊莊若
是孺人有焉夫敬以裋躬則行不肆勤以馭事則務不挫
慈以廣惠則情不佻莊以脩容則儀不忒孺人兼之寧曰
內助之賢已哉詩曰釐爾士女從以孫子吾于孺人之克
盡婦道者卜之而未有艾也識乎宜爾之敏慧夙成而蜚
聲士類也乎賢哉母四德全可以不死長爲世楷以作則
可以死列諸金籙以全真矧年過古稀何憾之有如孺人
者真爲不朽矣至其生卒年月子姓姪族載諸行狀者昭

若日星余故不之及也爲之銘曰生于錫塋于姚宰木維
喬礪石嶢嶢始也躬集于蓼繼也橐躋于饒天之食報匪
遙馬鬣崇高讀家人之二爻





海內無不聞其名
 人少二卷其說
 符號亦劍劍敵也
 宋于文豈豈世
 宋于文豈豈世
 宋于文豈豈世
 宋于文豈豈世

蔣母魏孺人墓誌銘

蔣允焄

嘗讀易家人之卦而彖辭繫之曰利女貞家道光隆專屬
諸中饋婦女大哉主婦之職竟與主鬯者有交責固若是
乎乃余覩魏孺人之事而益信聖言之不謬也孺人爲姚
江太學生蔣識配余蒞姚伊始生卽以其祖四勿公祀事
來請尊祖敬宗曠典獨舉余以竒士目生爲之力請于上
因與爲道誼交質疑問難歡若夙契一夕生過余署坐定
余覩生貌一似重有憂者余疑其有所事焉叩之者再生
愈慘然不樂余懇譬婉解生始吐情實曰哀哉吾妻之亡
也歲序將周今將舉殯某所日月有時而墓門之石無文

敢以是乞公一言吾妻庶藉是以不朽乎余以簿書繁委恐負生託生俯請者再余不獲辭因約狀中語而誌之曰孺人姓魏父仲千翁母任太君年四十無子翁與太君虔禱于邑之高廟山碧霞宮留宿殿陛夢神以明珠一顆投母懷中光瑩如月歸誕孺人自幼不妄言笑舉動進止務以禮自特閒習女工覽輒能其事年二十一歸太學生蔣識爲婦識雖歸籍姚江父承之公遊業吳郡張肆錫山偕母褚家焉孺人以不獲朝夕舅姑問膳省視每得珍菓甘脆物緘諸篋中俟客往錫者封寄舅姑嘗而卽安不敢私食也每歲舅姑懸弧之日親製衣履針線精潔大小中矩

承之公偕褚太母獲之喜不勝出示諸婦指以爲的承之
公間修祀歸家孺人鷄鳴盥櫛潔治殺品先意承旨惟恐
有不得當者用是承之公與褚孺人賢之讚不容口太學
雖長綜理然性好客戶屢常滿客過太學始而啜茗繼而
豪飲凡諸瓜苴魚膾之品咄嗟立辦不煩聲色太學有時
或忘諸市客至倉皇無措孺人曰君無慮是也前款客時
氏縮其盈節其餘腥者卧之糟邱腐者歸之鹽盞品物脩
具君何憂爲太學豪舉之名實孺人成之者爲多又饒心
計出納勾稽纖悉不忘臧獲稍嘗試之事輒立壞中外肅
然不敢緣奸作弊太學嘗從事錫中再歲有餘荷橐返是

歲爲

憲皇帝改元自夏涉冬大旱不雨田禾皆稿死孺人勤策
傭僱桔槔晝夜不輟獨得大獲太學歸族有以產具券至
者太學自顧蕭然迫無以應赧形于色孺人曰君奚爲者
太學具以實告孺人曰族望君而來君辜族使往其何以
慰衆望檢券數目先後償之可也太學曰赤手而造鳳樓
粒米而煮稠粥非有仙術不可孺人曰妾爲是言夫豈誑
君妾自君往錫畜牧出宰稻米賣客種種羨金封識無恙
君試檢諸簾中倘或不給猶有晚穀謀諸市賈何如太學
檢笥得金若干喜出望外太學之家計曰豐宜大學不敢

自以爲功也教諸子一以義方非若世之煦煦濡忍者又
性不佞佛梵宮琳宇足不一涉其境聞承之公訃哭之盡
哀喪歸諸典禮有盈無歉依依姑側親若母子不忍頃刻
離母任太君年老乏嗣雙目患瞽迎養于家喪塋等費悉
孺人任之不科諸子侄素強健無疾偶患消渴日噉瓜汁
數升久之憔悴日甚太學延醫治之百計不效享年五十
有五生于康熙二十七年六月念二卒于乾隆七年十月
初十子女俱四其姻黨族類具載狀中不復贅第約其大
概而誌之若此如孺人者真不媿大易所云女貞吉者乎
墓在蘭風胡苓池西旣文其碣復繫之銘曰有淑其姿有

蓄其旨蘋藻勿弛壺範具宜足不踰域而譽載于鄉閭業
不咕嗶而道合乎風詩斯其垂裕無窮而遠肇豐芑之基

亡弟咸一傳

弟天銘字咸一號遜齋行第三庶母朱氏出與余同庚同學少時每見其搦管作畫畫畢卽毀爲文泉湧矢發靈而秀但質弱多病學不無作輟嘗取史鑑熟爛胸中上下古今叩之毫無差背爲詩亦不留一字屢試不售棄儒作內務府王商幕同陳宏如監運銅觔考授供事候選主簿後因王商虧帑大閣部嚴劾奉

旨着地方辦理弟卽解事家居訓蒙遭義兄之累經理內外頗勤儉自勵後惑于卜者某見小利則大事不成惜哉詎其命途多舛貧病隨之婦黃氏脫簪珥勉爲調養暫得

稍痊子宗溢暴亡痛入心骨病復作時雍正元年十月初一也余爲延醫服藥者三月至二年正月初四乃卒卒之曰猶以寡妻弱女相囑并付詩稿百餘首且曰弟閱歷多矣嘗與諸名公投贈見其著作宏猷未嘗不栩栩欲動弟有書而不能讀一恨也上都七次而不得升斗養親二恨也有子而死三恨也生平好吟咏一路肅月寒江烟霜憫默舟行動植巖枯之中聽草尋烟沿泖訪泊不禁神悄意孤隨景作詩作亦僅存今所定者秦陶庵杜雲川兩太史嘗爲弟序圖欲刻之今已矣兄其爲我成是志乎言訖淚如雨哀咽而絕其後事皆余辦理時余歸浙存稿被失所

記不過十之一二曷勝爲之愧負云弟生于康熙庚午五月初九卒于雍正甲辰正月初四年僅三十有五葬蘭風姜巷弟婦黃茂宣公女自弟亡後相依幼女刻苦守志遵母命繼侄宗灑爲子宗灑同母弟振揚子也女適上虞田介平子今子女俱亡又繼宗洽爲後嗚呼命也夫婦長弟一歲今年五十八守節者二十三年例符

上請識老矣恐負弟志今于乾隆十一年始爲作傳回念昔時同學自少而壯而亡不禁淒涼欲絕夢中猶如見其病容也

...

...

...

...


...

...

...

...

卷之八終



蔣氏家譜卷之九

徵獻考

裔孫識重修

古人重三不朽而保姓受氏以守宗祊者不與焉吾
蔣發祥于姬至德實始基之歷千餘禩世德彌光或
抗跡箕山或垂名金石若所謂兗州三葉至于大將
軍其與至德造周差可操契以故奕葉蘊隆匪直天
道亦繇造德識不肖無能揚我祖駿烈爰考竹書暨
所聞見彙歷代聞人論次曰德行曰材畧曰政事曰
文章曰枝術而二教亦希蹤焉吾宗不朽于是乎在

德行

球杜陵人簡之十五代孫漢惠帝時隱居芒山下

詡杜陵人字元卿漢兗州刺史以廉直稱王莽居攝謝病

免歸開竹下三徑與求仲羊仲遊

崇詡之子西漢末以才擢北海相遷大中大夫王莽累徵

不就有父風操

顯琬次子與兄斌同死節

欽吳人從孫策東渡平定三郡徐盛有嫌于欽欽每稱其

善曰今天下未寧豈可挾私怨以蔽賢乎盛知報德論

者美焉

恭劉宋時人與其兄協因妻弟吳晞張爲刼收付獄兄弟
爭求受罪後恭爲義成令協義昭令

儼雲陽侯之後使高麗爲莫離支所困不屈唐文皇奇其
節再遷殿中少監

弘雲陽侯之後隋主幸維揚百司艱食獻米萬石用廩千
官手詔優寵謙讓而退

繪弘之孫與漢陽王張柬之御史大夫李傑善有風節
渙繪之孫爲鴻臚卿日本使餽金帛不納唯取箋一幅爲
書以貽其副

銖渙之子有清白名

鎮列之子鍊之弟天寶末舉賢累擢至黃門侍郎兄弟並以簡儉稱

清欽緒子爲鞏縣丞東京留守季澄賢之表爲判官與澄同死安祿山亂贈禮部侍郎謚曰忠敬宗錄其孫馮爲伊闕令

澄爲司農少卿劾奏宇文融贓私坐流嶺外

泳伸之子少年登第時故相任太常卿語泳曰爾門緒孤微不冝從祿所爲可先納罰錢謹勿以累也蓋蔣氏清儉家法素著云

興祖之奇孫知陽武金寇沛拒戰死之

偕鄭縣人父病嘗刲股以療父愈詰之曰此豈孝耶曰情之所感實不自知也

漳入太學無所遇棄而歸隱黃庭堅在宜州病革漳往見焉庭堅委以身後事及卒具棺殮送歸鄒浩謫永州漳從之遊後浩改昭州漳又經紀其家

元中學術修明元豐中在太學爲四方學者式煜嘗拒寇欲殺之伸頸就刃詈聲不絕而死

子春教授鄉里建炎初金兵至新塘見春人物秀整欲命以官春怒罵爲虜所殺

侃奉化人儻好義捐資以助郡庠焚券以惠田主士民

戴德

浚明侃之子論新法屢遭嚴譴持身立朝堅剛不判
玳宰建昌蔡脩論隱括逃田且以薦章陷玳玳對使者焚
其書

峴爲侍御史嘗自誓曰勿欺心勿負主勿求田勿問舍
傅太學上舍生慶元中與楊宏中等六人同上書論趙汝
愚之忠李沐之奸詔送五百里外編管傅久居學校忠
鯁有聞叩闕書皆其屬稿嘉定初褒錄宏中等六人傅
已亡詔以束帛賜其家

重珍進士第一人與魏鶴山真西山爲深交其所講明皆

聖門義理謚文忠

舉元符間與鄉人唐諫上書論時事久寓太學棄歸養母
母喪廬墓側瑞芝生詔旌門廬

一鳴一夔兄弟六人五世同居八十餘年有司表其門曰

崇義

少二割胸救父真德秀稱其孝枕篤志

公順壯年棄舉子業精研理學魏了翁謫居靖州公順往
從之

珙任會州幕職至元歸附授清湘縣令廣軍攻城珙死之
捷號竹山先生隱德不仕生平多所著述一以理學爲主

其小學詳斷發明旨趣爲多

允升山亭澄二十九世孫唐吏部郎則之後則子勲又七
世至其父玄從學金華許謙弟子方麟授性命之學允
升師事黃縉年甫弱冠學已粹然一出于正著有時敏
齋稿

偉噐與宋濂友善濂爲其父崇作墓碣稱偉噐知尙正學
非義所在誘以百金不爲動

賢輕財好施嘗率鄉民運糧助軍高廟嘉其誠俾知宜興
以老辭用其孫貞代之

冀爲行人出使以清謹聞

資化州人因諫成祖充軍後召爲濟寧知府教行惠孚秩
滿九載萬民卧轍

山鄉字子雲嘗以諫被謫其人蓋達生有德者文亦如之
雷卿字子仁長興人置義田義學稱義門蔣氏力學砥行
有希聖之志入京選巖嵩欲招致門下力辭歸

冕字升之在翰林久最有學行入內閣值武宗巡幸與楊
廷和等諫冕尤危切時羣小挾寵勢張不能親疎冕望
實重歸迎立世廟有社稷功會議追崇興王禮忤旨乞
骸骨歸衆共惜之

鏞字宗韶景泰間郡大歉鏞入粟千餘斛辭所補官計家

食所餘盡發濟民全活萬計

德謙字承之性長厚隣有胥其篋者覺而尾之詰且與之
金勸其改行又道遇故人貧無以爲生傾囊與之助其
喪塋

材畧

震簡之後更始時助義有功封大將軍

橫晃之子元卿三世孫年十八從光武討赤眉有功擢大
將軍大尉

濟字子通仕魏爲中郎將兼資文武志節慷慨常有超越

江湖吞吳會之志

琬字公琰弱冠知名隨先主入蜀除廣都長諸葛亮曰蔣
琬社稷之器非百里之才又曰公琰托志忠雅當與吾
共贊王業

元舉函亭之後陳昭遠將軍世祖命率衆攻杜龕龕軍大
敗請降

炳文大觀間通判融州以兵入援京師後趙鼎荐爲中都
官炳文願補外職除管安撫

介武舉第一人光孝朝授閣門舍人

公頤零陵人立志不羣開慶盜賊蜂起剽略城邑公頤倡
義舉殲其渠魁一境賴安

東坡家語 卷之六
彦祿所至皆能振揚風紀

政事

滿意字懷慨元卿之祖漢宣帝時爲上黨令子萬爲北地
都尉詔徵見帝曰父子宜同日剖符詔以滿意爲淮南
相萬爲弘農守

晉節之子公琰之父漢靈帝時舉孝廉爲尙書郎奏事應
對不滯拜尙書

詔恭吳人流落入蜀性耿直有逸才每一吟詠多諷刺蜀
主曰敢言之士也授名山令又善蒞事賜銀緋

沈欽緒子 馮學擢中都副留守遷大理卿持法明審

號稱職與兄演弟清俱爲才吏郭子儀軍出其縣勅麾
下曰蔣洸賢令母撓其清也

仲父之子唐宣宗雅愛之每見必詢天下得失三起三留
曰他日不得獨對卿矣遂拜相

元振知廉州清苦勵節啜菽飲水政尙簡易民甚愛之
允濟紹興間爲新化令革除弊政民甚德之

南金知容州興學校以教養爲事

居仁至正中任來安縣尹精于吏治民樂其政

廷瓚少有學術識達治體志存忠孝累官工部侍郎

惠華亭縣尹去奸民辨冤獄毀淫祠多惠政

良輔教授閩中學規嚴肅多所造就陞吉安知府
資知靖州惠同縣有善政

誠知巴縣廉慎公勤興學勸士民有卓魯之謠

文章

欽緒以文章擢進士累遷吏部侍郎歷汴魏二州刺史

父字德源幼從外祖吳競學博覽強記有史才德宗以凌

烟閣左壁文漫缺召問對曰此聖曆中侍臣圖贊口誦

不失一字又問神策置軍本末條對甚詳判集賢院父

子並爲學士

借父之子歷史館三世踵修國史世稱良筆云蔣氏日曆

兆係之子以辭章取進士第

涿伸之子以文學知名有義興善權寺詩

華與李白遊死墓敬亭山白詩云敬亭理玉樹知是蔣徵

君

防年十八父誠令作秋河賦援筆立成李紳命作鞞鷹詩

云幾欲高飛天上去誰人爲解綠絲條紳薦之歷官學

士

堂春官侍郎清修純飭好學工文尤嗜作詩多傳于世

之竒堂從子爲翰林學士手裁蔣氏譜

元肅好古能文無書不讀王十朋重之

存誠好學工文爲國子祭酒

繼周存誠從子歷館職遷右正言孝宗稱其奏議得陸贄

體

正子著山房錄隨筆數卷

元夫琬之裔嗜學善文遊張南軒陸象山之門作本宗譜
繫遠近世數歷歷可考

騰臨之子字雲起有詩名

子杰字有立才良行純卽物賦詠奉制揮翰如飛

鑽字公鳴好古文詞鴈行詞場氣韻瀟散訂蘇州支譜

識字倍峯有詩名老而好學訂姚江支譜

技術

少游以工藝仕至都水使者贈龍驤將軍謚曰質
昇仕北周以技術授車騎大將軍儀同三司封高城縣子
暉工六書仕至禮部郎中兼翰林院侍書

用文永樂中太醫院使特進謚恭靖
主善用文子洪熙改元爲院判

二教

慧彌元睨子爲僧

飛幼巒長子不娶修道

尊祖之裕孫瑗之子爲僧法名智源

杲之清孫習祖子爲道士

孝瑀之奇玄孫芮之子爲道士

永誠之武玄孫胄崇子爲僧

顯蒙亨子爲僧法名師邱


楠孝秀子淳熙十二年赴德壽宮宣押聖旨特恩披戴爲
道士改名泰定字必成次賜紫居平江天慶

檄孝資次子爲道士

顯先道合子爲僧

昇國器子爲僧

逸老窠次子爲僧



邦昌孝瑞子爲道士

永世普之子爲僧


濟世習次子爲僧

威恩次子爲道士

文舉樟次子爲僧法名安舉

杞褒然次子爲僧

若圭孝逸孫爲僧



...

...

...

...


...

...

...

...

...



榮名考

士身遊盛世非藉榮名不駕每見宗譜逸而蒐羅記
載非當世聞人卽朱輪世及若布衣之士便不多得
至乃旂常之借途又無論已今悉考據臚列曰開國
曰侍從曰方岳曰科名卽一命之榮並垂是譜其他
世次未明者不敢濫書漫希光耀

開國

伯齡周公第三子封于蔣國在汝南

孟周幽王太子伯服太傅誕之子平王命復蔣國

震封鄩侯

橫遼道侯封九江侯

穎橫長子封金華侯會稽太守

鄭橫次子封會稽侯會稽太守

川橫第三子封臨江侯酒泉太守

耀橫第四子封鎮湖侯辟司徒上黨太守


漸橫第五子封臨蘇侯辟司寇中昌太守

巡橫第六子封浦亭侯員外郎散騎常侍

稔橫第七子漢殿中將軍封平河侯襲父爵九江侯

默橫第八子漢諫議大夫校尉太守封雲陽維岱二鄉侯

何默之子前將軍黃門侍郎封邵陵侯



志何之子右將軍零陵太守襲雲陽侯

澄橫第九子婺州刺史封山亭鄉侯

孟澄長子昭信侯中元初封東亭侯冀州刺史

通澄次子封陽羨西亭侯

休澄第三子襲函亭鄉侯丹陽太守

歆幽次子卽子文漢秣陵尉逐盜死鐘山嘗自謂骨貴死

當爲神吳帝都建業子文嘗乘白馬執白羽扇而出爲

立廟鐘山封蔣侯嘗助楊大眼走魏軍凱旋廟中人馬

跡皆有泥濕南唐追謚莊武帝宋景祐中賜額惠烈廟

有曾極題詩明成祖封忠烈武順昭靈嘉祐王

勁幽第三子吳交州刺史付益陽侯

晉節之子漢尚書郎除汝南太守交州刺史靈帝拜尚書

封國始侯

琬晉之子蜀大司馬尚書令封安陽亭侯

斌琬長子蜀武騎常侍封南鄉侯

斌長子某司徒封廣王侯晉帝又封亭侯

濟稔之後魏太尉封都鄉侯

秀濟之子襲都鄉侯

凱秀之子北周封下蔡子

欽稔之後一子封宣城侯

固豐之子吳中書又爲晉散騎常侍臨淮太守封鄂亭鄉侯

泳膺之子晉宣毅將軍南康太守封湘鄉侯

循泳之子晉散騎常侍驃騎將軍襲湘鄉侯

添政澄之十六代孫陳散騎常侍成州刺史封湘陰縣開

國侯贈安遠將軍謚曰貞

昇稔之後周封高城縣子

儼卿之子唐太子詹事封義興縣子贈吏部尚書

渙挺之子唐禮部尚書封汝南公

又將明之子唐銀青光祿大夫封義興縣公

東山家言
係父長子銀青光祿大夫封淮陽郡公

堂九臯第四子宋進士甲科歷至上柱國樂安縣開國伯

累贈太傅少師

長生堂次子歷至上柱國永嘉郡開國侯贈中奉大夫

之翰章次子歷至上柱國武功縣開國男

之竒滂長子嘉祐進士歷至光縣男加子食邑進封開國

伯改知開封府弋陽郡封開國侯進封開國公贈少保

少傅太師溫國魏國公

璿之竒第三子擢進士第歷至宜興縣開國子致仕贈太

師衛國公

芾及祖次子紹興辛未二十一年鑣廳擢進士第歷至七

陽郡開國公贈開府儀同三司

貴諸暨人封定西侯進封經國公謚曰武勇

侍從

誕伯齡九世孫周幽王太子伯服太傅

冕助之子漢司徒

疊震之子漢尚書太僕卿

克弘仁子漢太保

嵩孝秀子漢尚書少傅

節嵩之子爲尚書都護軍

顯琬次子蜀太子僕射

欽稔之後吳盪寇將軍

休稔之後吳將軍

延稔之後吳中散大夫

豐志之子吳尚書知閣侍郎大中大夫


幹稔之後

繹循之子宋撫軍將軍

演徽之之子齊通直散騎常侍

元舉添政長子同弟元遜爲陳將軍

冽挺之子唐尚書左丞



瓌澄之後元遜之族唐太子洗馬弘文館學士贈吏部尙書

將明瓌之子唐國子司業集賢院學士贈司徒

仲父次子唐太子太傅相宣懿兩朝

曙係次子工部虞部員外郎起居郎


泳伸之子唐考功郎中集賢院學士

岑澄之後唐司農卿

孝儼澄之後唐尙書

欽緒簡之後唐魏州刺史吏部尙書

洸欽緒子唐中都副留守遷大理卿贈工部尙書



澄唐司農少卿

則唐吏部員外郎

勲則之子吳越檢校司空兼御史大夫

幼榮南唐虞部員外郎

仲容幼榮孫大理寺丞


祺仲容子擢進士第尚書屯田員外郎

弘謹幼蟾子宋三贈司空

九臯弘謹子三贈至太傅

浚明侃之子宋大理評事贈金紫光祿大夫

群玉堂長子以父任贈朝議大夫



章九臯子累贈大中大夫

航九臯子以兄任將作監簿歷遷太子洗馬致仕累贈大
中大夫

滂九臯子以兄任江寧縣簿累贈朝議大夫後贈太師
球之竒子以父任廸功郎至朝奉大夫尙書司勳員外郎
師祖球之子以祖補承務郎轉金部員外郎奉使金割地
未回轉朝請郎

及祖階第四子擢進士第至朝散大夫贈少師至太傅
誼滂次子擢進士廸功郎歷轉朝請郎主管台州崇道觀
之武滂第三子紹聖三年特進文學承仕郎再封宣義郎

改宣德郎累贈大中大夫

璨之美長子字宣卿仕至中大夫敷文閣侍制官祠致仕

凝稔之後乾符中爲侍郎

靜義興人中進士第歷司業祭酒中書舍人

猷金壇人中進士第累官御史中丞兼侍讀

學洪武中選爲起居注

驥爲行人遷檢討進侍講修兩朝實錄終禮部侍郎

琳驥之子累官副使都御史

守約禮部尙書

勉刑部右侍郎

百魁歷教職陞給事中遷春坊司直郎進南京尙寶司少
卿

方岳

助詡長子漢會稽太守

修崇之子漢御史中丞司隸校尉廣平太守


昭承祖之子漢鎮東大將軍會稽太守

孝修爲叅軍侍郎繡衣使者任峽州刺史

會固之子晉散騎常侍臨淮太守

英會之子晉建威將軍武昌太守贈光祿大夫

膺英之子晉散騎常侍臨江太守



盛穎之後晉督農校尉并州刺史

在根琬十六世孫唐初刺史

挺繪長子唐延湖二州刺史贈揚州大都督

仙父之子與弟佶皆唐刺史

防誠之子唐峽州刺史


啓五代梁武寧軍節度使

延徽吳信州刺史

續群玉子真海端宣四郡太守

天麟續之子提舉黃州武騎尉

天倪歷知興國軍臨江軍



激昂長子以伯父任秘書省正字遷校書郎至南安軍判
官

之儀知廣德軍勲至上柱國

璘知江陰除兩浙常平提舉

珣以父任補太廟齋郎至平江通判

天佑昭次子以信州推官奉使金國信所中節報信官

道祖浙漕主管官

循祖浙西提舉常平司主管官

曄以揚州司法特差奉使賀生辰國信所書狀官提轄行
在雜務

琛擢進士第提舉常州知海州

之美擢進士第歷任至開封府提舉常平司勾管擢大理

寺丞

藺志祖子歷至大理寺正改知嘉興府

蕭志祖子溫州判官

翔九臯子歷至國子博士

德明浙江行中書省左丞

廷瓚累官工部侍郎遷貴州左布政

玄軫澄之後唐文林郎

以下雜職附

顯頴之後齊安陸王諮議參軍海陵令

子慎弘之子唐建安令

稜挺之後唐楚州山陽令

瑤稜之子唐太常寺奉禮郎

徽之齊竟陵王府記室參軍

嗣宗梁義興主簿鄱陽王府諮議郎

嗣宗子

某


陳朝請衡王府錄事參軍

誠爲虔雩都尉

繪子慎子唐鄭州司兵

鄱繪次子唐太學博士

抗繪之子唐餘杭郡監官



權繪之子四門直講主堂

執古唐宣州旌德尉

科名 已載前考者不贅

冽挺之子擢進士第

儼卿之子擢明經進士第


仲又次子擢進士第

兆係長子以詞章取進士第

清欽緒子擢明經進士第

堂中真宗祥符五年徐奭榜進士第

祺中仁宗景祐元年進士第



之奇中仁宗嘉祐二年丁酉章衡榜進士第

津祺第三子中神宗熙寧三年進士第

之美中神宗熙寧六年癸丑余中榜進士第

天麟中神宗元豐二年己未時彥榜進士第

琛之武子中神宗元豐八年乙丑焦蹈榜進士第


安上中哲宗紹聖元年甲戌畢漸榜進士第

璿浚明子中哲宗紹聖四年何昌言榜進士第

璿之奇幼子中哲宗元祐三年李常寧榜進士第

琬璿之弟中徽宗五年蔡嶷榜進士第

寧祖中徽宗政和二年壬辰莫儔榜進士第



榮祖璞之子中徽宗宣和三年辛丑何渙榜進士第
及祖階之子與榮祖同年進士第

梗中高宗紹興八年黃公度榜進士第

芾及祖子中高宗紹興廿一年辛未趙達榜進士第二名
鐸紹興二十四年特奏名

繫益祖子中孝宗隆興元年癸未木待問榜進士第
詎藻之子中孝宗淳熙十四年丁未王容榜進士第
峴琬之曾孫中寧宗慶元二年鄒應龍榜進士第

厘仔之子中寧宗嘉定元年戊辰鄭自誠榜進士第

公釋尙之子中寧宗嘉定四年辛未趙連大榜進士第

重珍南式子中寧宗嘉定十六年癸未進士第一人

孝孫萃之子中理宗寶慶二年丙戌王會龍榜進士第與

規同榜

應新謚之子中理宗紹定五年徐元杰榜進士第

櫟中理宗淳祐甲辰留炳炎榜進士第

曉中理宗淳祐七年張徽淵榜進士第與覲同榜

湘濯進士第

子杰明洪武庚戌科舉人


坎中嘉靖戊戌科進士第

勸能中嘉靖乙丑科進士第

京隆慶庚午科舉人

一 驄坎之孫中萬曆辛丑科進士第

茂况 國朝乙卯舉人



節烈考

夫風教始于閨門華筓綺歲忽捐所天夜雨孤燈可
憐奚似若能抗節窮年撫孤守志洵又閨門傑出者
也吾宗歷禩千載史冊僅義興蔣儁妻黃氏迨宋而
有忠文公母夫人顧氏迄我

盛朝

皇恩浩大一善必旌是亦有幸有不幸也然必考其苦節
著于篇

蔣儁妻黃氏傳

史稿

李延壽

義興蔣儁之妻黃氏夫亡不重嫁家逼之欲自殺乃止建

元三年詔蠲表門閭

蔣顧氏傳

宋史稿

顧氏蔣南式妻忠文公重珍母也年十餘育於外家管氏
一日父母家絕食女剪髮貽其父鬻百錢以給炊家自是
稍裕若或相之者人以爲孝感歸蔣而寡時重珍纔十歲
有累舉得官者屬媼黨議婚焉顧怒叱去之親授重珍經
書平生喜說李氏斷臂事謂婦人當如此也所居僅容膝
而內外區別凜然不可越貧甚或乞重珍爲之子不聽又
有願以女贅者田廬畢具顧曰藐孤所以得不死者諸父
力也豈可去之辭焉重珍年四十始舉進士第一人迎養

於京邸

蔣仇氏傳

奉化誌

蔣門仇氏蔣慶祥妻年二十五夫亡遺腹一女妯娌欲棄之仇曰骨肉至親忍有此念安貧守寡年六十餘死

蔣黃氏傳

黃氏蔣天銘妻青年守志白首完貞乾隆十二年奉

旨欽旌節孝給銀建坊

蔣褚氏傳

褚氏蔣德謙妻賦性幽閒持躬淑慎事翁姑而孝敬婦道無虧訓嗣續以義方壺儀足式生無間言死宜旌及乾隆

十五年奉

旨欽旌賢孝給銀建坊

旌表

首... 旌表... 給銀建坊

... 旌表... 給銀建坊


旌表

... 旌表... 給銀建坊

... 旌表... 給銀建坊

... 旌表... 給銀建坊

... 旌表... 給銀建坊



塋阡考

古人重丘墓所在有復荆而不受賞者于申包胥見
一班矣吾祖自期思徙豫州徙樂安徙杜陵陲陽羨
又徙越徙明凡丘墓所在不知凡幾識按舊表攷其
載記百無二三至蘭風祖阡僅存坏土今始歲時展
謁乃祖墓遺墟侵於里猾剪於樵採無尺籍可稽者
可勝道哉凡所知者今備書之爲塋阡考

歷代塋阡

始祖伯齡墓在雍長安縣

九世孫誕墓在蔣國東城山

三十二世孫簡之裔孫疊墓在徐州琅琊山

滿意杜陵枝刺史房墓在杜陵

子萬附葬

孫詡附葬

五世孫晃墓在沛國龍岡縣魏山之南


六世孫橫墓在沛國龍岡縣汝水山南二里以王禮葬

頽東陽枝中散房墓在婺州金華山北海溪南

孫昭墓在沛國龍岡縣魏山之南

六世孫子文墓在丹陽北鐘山今蔣山

六世孫勁墓在金華山東烏傷縣南橫山



裔孫盛附穎墓

耀鎮湖侯今零陵全州始祖墓無考

裔孫斌墓在廣州城東十里長跨碑鎮陵

裔孫在根墓在湘源

裔孫淑墓在赤土岡鷄冠石大路下是曰宜湘


默湖東枝雲陽鄉侯房墓在陽羨漏湖東岸竹山

子何墓在義興之葛墟

孫志附葬

曾孫豐附葬

五世孫會附葬



六世孫英附葬

七世孫膺附葬

八世孫泳附葬

九世孫循附葬

十世孫繹附葬


十一世孫徽之附葬

十二世孫演附葬

十三世孫嗣宗附葬

十四世孫某附葬

十五世孫弘附葬



十六世孫繪附葬

十七世孫挺以下皆歸葬於洛

澄湖西枝山亭鄉侯房墓在陽羨滬湖之西

二十三世孫玄軫墓在朱化縣

二十四世孫銓附葬


二十五世孫說附葬

二十六世孫寧附葬

二十八世孫松墓在毗陵宜興縣袁村

二十九世孫幼蟾附葬

二十九世孫幼巒墓在湖西湯村



二十九世孫幼章墓在湖西蔣村

弘謹湖西枝太傅房墓在易庄

子九臯附墓

堂湖西平江枝少師房墓在平江堯峰之魯塢

子長生附墓


孫球墓在清泉鄉龍潭

孫珍墓在神安鄉易庄之原

孫階墓在清泉鄉篠嶺

孫璨墓在永豐鄉碧雲寺之原

曾孫興祖墓在蒼浦



玄孫芾墓在清泉鄉楊塘

滂湖西枝太師房無錫位墓在易庄

子之奇墓在宜湖西神安鄉

章墓在易庄

次子之瀚附葬


航君山枝大夫房墓在易庄

翔墓在柯庄

重珍墓在無錫縣西四十五里謝堰

姚江枝父墓在青山

子伸墓在徽州童巖山之原



子偕墓在萬齡山之原

孫濤墓在定山祖關之內

孫沅墓在四明山之原

曾孫三仁墓在安石嶺

玄孫廸墓在金沙山之原


玄孫造墓在剡邑浦口山之原

玄孫述墓在清沿嶺山之原

六世孫頌墓在禽孝鄉虎山

六世孫賚墓在姜山之原

奉化枝宗霸墓在鄞邑盤山寺側



子侃墓在鄞邑南社塢

孫浚明墓在三嶺龜山

曾孫琬墓在三嶺王畧

玄孫榎墓在邵畧子如愚附葬

六世孫峴墓在楊畧卽桐山


七世孫適墓在楊畧

蘭風枝聖求墓在竺山蔣家墩

子澤墓在姜山

裔孫溥墓在上虞三都馬家堰

裔孫和墓在姜港



齋孫京墓在姜山蔣家灣

齋孫視十八墓在西園子世七孫明十一附墓

齋孫德謙墓在孝秀橋西新阡

子識墓在湖苓池西

次子天銘墓在姜巷

識生也晚又少長無錫凡丘墓所在焉能歷歷題誌今
據前宅分枝若姜巷之世字祖坟至東岸西首獨穴爲
余遠祖母馬家堰坟北一穴爲余遠祖西園朝西坟爲
五里墩坟東岸坟爲高地嶺枝而沿圈池西均就荒歿
一言念及此悼痛何如矣

蔣氏家譜卷之十

裔孫識重輯

內集

詩

賦

詞

頌

制

表

議

疏

判

銘

詩

五言古二十首

臺中書懷

蔣 列

持憲當休明，飭躬免顛沛。直繩備豪右，正色清冠蓋。寄切才恨薄，職雄班匪大。坐居三獨中，立在百僚外。簡牘時休暇，依然秋興多。披書惟骨鯁，循跡少閒和。庭樹凌霜柏，池傾萎露荷。歲寒應可見，感此遂成歌。

山行見鵲巢

蔣 列

鵲巢性本高更在西山木朝下清泉戲夜近明月宿非直
避網羅兼能免傾覆豈復五陵子挾彈來相逐

太伯廟

蔣堂

太伯何爲者不以身爲身遜避天下位奔走勾吳濱隱德
照來世遺祀傳斯民吁此廉讓國合生廉讓人

冬日惠山作

蔣孝

夙負山水癖惠麓成獨往高原木葉盡巖岫出林莽靈泉
散古甃細石發輕響寒蕪澗道遠落照洞冥朗捫蘿入精
廬欲覓生公講從茲寶林隱日久寄遐想

擬夜中不能寐

蔣延祚

閒房清且潔閉戶若山林東楹置圖史西壁掛瑤琴暇日
足耽翫如何受塵侵一自攬世網萬慮攪我心清溪長蘋
藻穢壤豐茅藍所生苟有托條敷枝榮森誰憐松與栢寂
寞老山岑

擬二妃遊江濱

深林置蔦蘿中谷施籐蔓長夏扇清和相榮復相絆黃鳥
懷好音蔽日張帷幔異族密連枝膠漆誓無患餓馬雪霰
零顏衰色漫漶病葉早辭柯斷梗隨風散彼此不相保豈
復顧笑拙惟有芝與蘭氣味淡以遠不因人自芳誠足君
子歎

擬嘉樹下成蹊

營營五都市貨肆旦明開求者爭門入揮汗肩相擠日中
交易退掉臂呼不回物理遠乘除人事多盛衰景公無千
駟首陽盡蒿萊雍門非達人孟嘗豈高才安得王子喬並
駕遊丹臺

擬登高臨四野

翩翩九苞禽雲路任翱翔磬磬澤中雁栖止蒲葦鄉防身
稍踈數戈人狹且強君子貴自適斷不慕膏粱展我案上
書酌我壺中漿笛向口中吹琴從膝上張逍遙足娛樂歲
月正舒長何事曳長裾侯門謁平良喬松俯蒼蘿攢柯爭

忸惶

擬開秋北涼氣

煌煌東方星微暎不吐芒亂虫聲哀號落葉紛飛忙中宵
暗如晦六合悲滄桑晨鷄鳴喔咿玉繩高建章清輝揚四
表太白正中堂織卷四無雲萬里仰耿光

擬灼灼西頽日

鮮鮮霜中葩雖好不先時涓涓巖下泉雖寒不受滓英俊
策高足賢達懷先知豈不羨榮寵才分異所宜犁我山下
田補我屋前茨曝背快餘暄種秫富酒資聊此足終年奚
必決雄雌悠然陶彭澤庶幾是吾師

擬獨坐空堂上

富貴多疏戚貧賤多密友勿謂里巷談至理足不朽請看
金張門駢闐車馬驟玄纁貢贄幣黃金媚上壽漏盡曉鐘
鳴朱圯繡稂莠相見如秦越百喚不回首古人有同慨奚
必深見咎安得惠與施裹飯走相就

擬北里多奇舞

百城啓大道九土盡康莊翩翩遊俠子年少縱豪狂一擲
捐百金一飲傾千觴寶馬佩吳鈎朱纓飾鮮裳目不覩周
孔矢口談原嘗田廬蕩烟雲葶餓走他鄉民生在克勤先
語何惶惶展我篋中書讀我案上章玩物戒喪志無益耗

年光焚膏而繼晷雖勞分所當

擬湛湛長江水

原隰長蕪蘼崗陵挺孤松玄雲凝夕陰素纈凌長空百卉
彫顏色蒼髯惟老翁勿鄙正壑姿能回造化功歲寒有盟
心羞爲桃李容

擬古雜詩

蔣延祚

左畦植蒜韭右畦種茄瓜編竹護柴扉籬根盡栽花栽花
有何好饑來不得飽婦姑賽神祠省錢買葱草

秋郊

蔣坪

露白蔓草黃霜清癯樹赤孤雁忽南飛落日橫烟碧杖策

適西郊邂逅東來客握手論素心披襟露千岳蒼芒野色
昏路轉松蘿密稚子啓荆扉相過慰岑寂斗酒情復紆願
言永今夕

草亭詩

蔣 鑽

卜鄰欲看竹有竹卽吾廬疎疎並短墻離離衛衛間佳者
日以長惡者日以鉏高風開碧雲虛牖憂鳴琚披襟北窻
下宛轉閱群書茶鐺水方熟飛烟薄林墟雖非南山老吾
樂亦只宜

感詠二首

蔣天銘

南陽抱膝時管樂會自負感激梁父吟三士亦安取雄心

善寄托出處信不苟經年作廳梗忽忽牛馬走埃壒競微
名面目誠可醜無才困明時祇合老戶牖長嘯獨歸來躬
耕就南畝摩挲匣中劍莫作蛟龍吼

雲來衆岫晦雲去衆岫明去來雲無心晦明關我情出門
望遠道荆棘浩縱橫零雨被郊原潦水咸已盈百川含風
濤莫測鯢與鯨小人務苟得君子信艱貞仗策且復歸涕
下沾長纓

越王祠

蔣 識

崔巍何人祠趨謁煩省想金書剝未漫辨是越王榜四時
關掃除古殿虛崇敞畢賀歷千祀早朝尙遺像迢迢城西

郭橋道直且廣里開雜笙竽舟車日熙攘各恬生計足寧
悉伯圖昉大圭播蒼塵野蘇綠墀上我觀江海會蛟龍共
滂蕩風雨有時收賢豪倏何往獨餘薪胆意日月懸天壤

王文成公祠

蔣 識

寓居郡城西故是新建宅左瞰陽明洞門墻僅咫尺百年
後先哲懷古見顏色明祚昔飄搖皇輿賴匡直于謙洵有
功伯安必辨賊吁嗟二正間兩公扶社稷大人利艱貞小
人專忌刻勞謙保有終詎非學道力朱陛復相訾雷同吠
不息識絕群蒙貽功高衆邪偏巖巖光相坊春秋猶劍鳥
蕙苴謗隨伸蚍蜉撼何益昌黎師道在鉄面鬚如戟下拜

奉清塵題詩誌公壁

紫芝詩

識

紫芝復紫芝光恠而陸離苔深滋土厚異石鍾靈奇雨露
得其養三秀挺堦墀上有幾竿竹蕭疎匪所思我歸自無
錫時時夢見之迄今三十載慰我以何期張君適相訪前
身是画師興酣神技癢潑墨滿淋漓我見大歡喜呼童斟
酒卮孝秀草堂裡聊作紫芝詩


卽事紀感

托身處吳越遍觀山水鄉弩壯射潮勢劍瘞寒山鏗霸圖
久銷歇虎氣不復揚入市弔梅福釣渚思嚴光斯人不可

見秋老葭蒼蒼

過梁衡弔黃子明先生

四明多峻嶺挺秀凌高旻此心望何極九折良有因罹禍
 思忠義深悲泣鬼神雙淚濕羊額羊額嶺先落葉同酸辛
 白雲滂然來衆山忽瀾淪



詩七言古十一首

自題雲龍小隱

蔣重珍

龍山錫山兩山雲出能為雨入為晴雲山之氣有歛散歛
散之理斯為神我廬山下有小隱雲為動兮山為靜悠然
而出物之澤屹然而峙地之鎮我見雲山喜與俱雲山無
情不見余我比雲山多此見不如一似雲山無

秋夜風雨驚恠異常

戲傲昌黎陸渾山觀火詩

蔣延祚

入夏五旬困炎氛祝融司權威命尊飛廉遠戍窮海外阿
香箝口萍翳蹲魚焦驚爛草木死六合烘窑命難存帝詔
蓐收汝往諧下與萬類洗煩冤破械脫梏起諸司怒牙睜

目氣填填須臾作勢萬象冥晦蒙直欲無乾坤倒灌百川
沃朱鳥橫噬六合歸混沌百千神馬行空際億萬雄兵下
九閘彷彿不周觸天柱非僅楚漢爭風雲拉邏屋瓦盡飛
揚蜻蝶蜂蛾爵苾鴟虎縮豹僵牛股栗狐竄兔伏麋懼魂
松栢檀槐飄如梗浮花浪蕘奚足論重門反關迅斧劈倒
困傾簏衣裳翻淨掃歎蒸雖有力天殤物命勇太頑豈因
不平肆報復故爾一泄逞凶殘嗟爾蓐收與祝融相去奚
啻尺寸間勿慎厥命應有罰昭昭天眼詎可瞞

短歌贈友三首

蔣 識

蓮根入泥中不滓金梭繫絲文可治寸心擬結鮫人珠岐

路風塵感知已鳥聞有鳳魚有鯤如君豈是尋常人豐城
龍劍望終合崩騰紫氣高延津天河易轉斗易沒日月團
園照窮髮君不見甘泉昔日髡黔徒人奴尚帶封侯骨
烏鵲亂白黑珠玉混泥沙離朱有時亦難辨何況俗士之
眼五色雲霧遮伏波脫身出西蜀子陽傳笈井底蛙羊腸
蠶叢何偪仄老驥豈肯終伏櫪龍文鳳臆誰見知道中豈
博孫陽識

丈夫不能珮玉簪紱入紫庭亦當蓬門栖泊守一經胡爲
奔走事干謁白眼坐觸嗟來聲蒼天自高地自厚泰山豈
得加培塿風雲反覆湏臾間人生遇合誠何有飲君美酒

為君吟千秋意氣逾斷金夷吾不遇困貧賤獨有鮑子知其心

題熊磻隱指畫松梅二圖歌

蔣 識

世上紛紛摹古跡潑墨淋漓灑泉石漫將珊管寫群葩直
幹長枝競腕力先生丹青藝夙成每一圖來人共驚久客
神京得妙秘指頭一著烟雲生倦遊思返舜江濱舟過梁
溪訪舊朋諸君相見慰寂寞時諸德先累訟在錫酒酣技癢更超神
為問此地名誰高不須兔穎千羊毫狂揮巨掌圖四壁松
花滿硯翻波濤胸有成局機自來先畫長松後古梅青蒼
老氣無與敵大枝倒折藏風雷旁觀咄咄稱奇特又見水

姿世外立宛如韻士愛棲巖孤高落落無人識寫罷凝眸
意態賒松針梅蘂細交加點些竹石生成樣審視不見絲
毫差我懷筆墨願相親爭似四肢隨一身白雲空谷云誰
美心賞伊人絕比隣

奉頌華芋園夫子

蔣 識

江河緯地日經天斯道由來有真詮秦灰熄燭爭紛叟燭
火蠅聲鳴後先紫陽老人覃精思掃除蕪穢窮淵源疏引
洙泗潤九垓闡陽濂洛廣薪傳偉哉厥功詎禹下俎豆宮
墻誠宜然元明諸子工輦悅歌行樂府霸詞壇草廬陽明
一二外管窺蠡測何彘彘耶脩庶孽則有餘許登廊廡亦

赧顏堂堂東林建旗鼓鐸振聾聵奔几筵經今一線衍幾
希不忘每飯仰前賢國朝鉅公富偉業奠拄鰲極補羲軒
巨刃磨天霍飛揚探根躡窟力躋扳姓名雷碾表史策踵
趾相錯輝鴛鸞先生鵲起梁溪側墮地英聲滿人間十行
過目無遺字一揮千紙噴雲烟取懷便得景淳筆濺沫無
非囊錦鮮髻鬢嬉戲操不律勾玄索妙匠輪般南溟素困
垂天翼暫向下邑奏管絃風流彷彿馬鄭輩科條不讓胡
文安略經指授皆有法桃谿李徑熯無邊鷄林餅金購隻
字蘿石忘年拜青氈上官謀章薦賢達掉頭弗顧卧邱園
爲針膏盲發墨守旁搜遠紹障百川著述夥過當湖目傳

雅高並堯峰肩姮娥自悔失佳耦一枝折贈意纏綿美人
覓我誼難辜特跨蹇驢走幽燕上林賦罷不見收故山松
檜正蒼壑蓉湖千頃風日佳龍峯萬仞雲霞鮮左拍洪崖
右浮邱晴蠟阮屐掛杖錢此中自謂足盤桓何必金紫供
腰纏先生自是瀛洲仙噫嚱先生自是瀛洲仙

題梁鴻圖

蔣 識

千古一畸人無可無不可常將白眼向世間獨清獨醒法
自我非惡富貴樂貧賤揔之不受名利鎖一旦長噫辭帝
京擇木間關篔簹笠荷吳山非巖峩吳水則漣洏先生偶過
而問之欣然賃舂無所期遙想當年饋食人我負子戴甘

如飴齊眉一點心足爲百世師噫噉乎非先生之修齊化
理而夫夫婦婦焉能立極而若茲

柏柳歌

有序

蔣 識

公諱允君籍本貴陽以名翰林割鷄姚江爲政五
月澤及萬民治有餘閒公庭前後手植柏柳生意
勃然邑諸前輩俱有贈言識忘鄙陋敢步後塵

月冷蟲號淒滿目老樹傾倚枝葉落鷄屎牛矢百不禁瓦
礫叢中荆棘錯高坐堂皇聽鼓吹那有閒情問鋤鏹饋
得一本木稗香冷置空齋伴蘭若張遷李代幾春秋除道
荒蕪百草稠多少令君推不去獨憐慈母苦難留慈母慈

母惠且仁鄭魯鄒黃借後身兩城桃李森森植百里桑麻
簇簇新獨有堂前數畝地可無嘉植蔭千春爰遣里正喚
牙行此間種樹正相當錦官城外三千尺西子湖頭十里
芳我愛兩者真難得爲我持金買遠方山翁野老聞公檄
攀嶺援硯俱不惜擔將子柏柳椿苗高唱山歌郢尾入持
籌計數報盈虧一一園丁償價值湏臾阿段荷鋤來雀尾
雄銜土脉開坎不盈輪根足寄厚培肥土僨成堆晨吸風
夕酣露暗裏迎新復謝故分行離立儼成童點綴公庭如
勝圃公懷蓼莪謝仙符卧轍難留泣滿途異日槐階履台
鼎無忘柏柳惠姚區

弔汪烈婦

餘姚黃鏞妻事在順治戊子夏五月

江東橐駝壓山至土伯齧齧恣騰噬百城啼走聲徹天男
作俘纍女爲嬖四明少婦遭牽迫以首觸山血淋石面
視我故夫子白刃索錢揮及脊夫死妾獨生海水滌心何
以明妾願先夫死及夫死地猶能視夫生妾死甘如飴爲
妾犯事惟夫知一婦三軍不可奪一夫百年寧可移綠珠
報恩何足道青塚留名徒見嗤閨中峻婦明如此照耀從
龍淮穎兒

壽陳次瑤七十

大山之前湖水長早桂風涼新酒香燕翼堂開稱壽觴子

又添孫森滿行憶昔侄爲君家婿近來女亦歸高第西墀
賓從都且麗擔酒牽羊詩作幣爲欽種德有光輝朝看調
膳暮問衣秋閱登禾春開扉四時氤氳冥忘機喜見籌添
七百枝耆英會上逞英奇君兮此心上有皇天知報以諸
福更百千歲如一時愧我薦蘿仰附喬松足貽以山人青
蠟燭照君瑯玕席上珍與玉爲君歌抑詩和之以淇澳

詩五律四十九首

南溪別業

蔣 洵

結宇依青嶂，開軒對綠疇。
樹交花兩色，溪合水重流。
竹徑風來掃，蘭樽夜不收。
逍遙自得意，鼓腹醉中遊。

和徐侍郎中書叢篠韻

蔣 洵

中禁夕沉沉，幽篁別作林。
色連雞樹近，影落鳳池深。
爲重凌霜節，能虛應物心。
年年承雨露，長對紫庭陰。

登栖靈寺塔

蔣 洵

三休尋磴道，九折步雲霓。
澗臨江北郊，原極海西陲。
平瓜步出樹，遠綠楊低南。
指晴天外青峯，是會稽。

送次維揚望京口寄白下諸公

蔣 渙

北望情何限南行路轉深
晚帆低荻葉寒日下楓林雲白
蘭陵渚烟青建業岑江天秋向盡
無處不傷心
故太常卿贈禮部尙書李公暨夫人挽歌

蔣 溪

白簡常持憲黃圖復尹京
能標百郡則威肅一朝清
典秩崇三禮臨戎振五兵
更聞傳世業才子有高名

其二

樹樹遵同穴生平此共歸
鏡裏鸞已去泉掩鳳何飛
薤挽疑茄曲松風思翟衣
易名將寵贈泉路滿光輝

遊惠山

蔣之美

絕頂疑天設重門一徑深泉清千古意松老百年心高閣
窺平陸危亭倚翠岑勝遊方自適猶恐日西沉

其二

蔣之美

九隴分形怪蒼龍據厚坤洞寒清水脉石潤養雲根探遠
塵應斷窮高斗可捫江湖倦行者對此欲忘言

隱圃詩

蔣堂

雅得菟裘地清宜隱者心綠葵才有甲青桂漸成陰獨曳
山屐任無勞車駕尋湛然長寂處水月一庵深

南湖臺

蔣堂

水次揭危亭烟堤四面平栽蘆延宿鷺種柳待啼鶯雪鬢
清流漲風來夜艇橫輕肥莫臨顧我老懶逢迎

和梅摯北池詠

蔣堂

池上有修竹遙聞手自栽幾因風韻響時感隼旟來粉籩
經梅脫虬根遇石回嬋娟陰下綠小閣爲誰開

其二

蔣堂

池上有雛鶴來從淮水孺舊巢離海樹清淚入吳天骨峭
翹霜月翎踈刷野泉使君宜得伴仙格本千年

遊惠山作

蔣棠

古寺懸崖出清泉石鏤流峻嶒山有骨來往鳥無愁往事

懷桑苧詩名讓貫休荒荒斜日晚湖上宿閒鷗

次韻贈浮丘

蔣夢龍

大雅回皇穆靈暉動少微草玄千古秘濃樾四簷圍雲石
開幽宇天風拂素衣徘徊依玉藻落日未言歸

其二

蔣夢龍

山抱青蘿屋人棲白玉樓開尊花氣合掃石竹陰浮瀟灑
陶元亮風流秦少遊通幽有三徑長日獨相求

早秋言懷時歸自武林

蔣 鑣

聞說離家苦歸家計轉貧却疑三月夢又見一秋新遊倦
還思客情多反畏人年年滄海意應得寄閒身

渡震澤

蔣 鎬

陡破長風浪因知大地寬
雲霞與世隔星斗逼人寒
避世身嫌近辭家姓已瞞
吳潭多寶劍長銖敢輕彈

大塘至德祠

蔣 鎬

萬籟空山寂幽泉響亦奇
悠然蘋藻冷恰與水雲宜
白石留鐘簾踈花媚翠恩
若論興廢事禾黍動秋思

夜窓獨坐

蔣延祚

群籟寂無聲芭蕉漏月明
嗒然忘故我渙若解愁城
向榻塵凝席陶潛琴半橫
此中饒樂趣莊叟洞微情

曉起

蔣延祚

枕簟痕猶滯矐矐日已明髻新山黛翠雲界樹腰橫草露沾衣濕村厖吠客行捧盤方進粥小市動呼聲

柏樹

蔣京

禿榦獨撐籬梅黃徧發枝剝腸蟻作室吐蕊蜜盈脾送日懸魚目流膏炳夜蒸霜高風剪葉宮女正題詩

淮瀆廟

蔣天銘

野廟臨河曲春風倚棹歌古堂僧住少遺碣禹功多蛇鼠盤丹棋魚龍捲白波年年禋祀典猶見擁笙歌

泊舟臨淮登莊子釣臺

蔣天銘

此卽爲濠上茲來亦偶然暫停孤客艇一問古臺烟野草

潛魚渚春風夢蝶天浮生深自覺適意已忘筌

春日訪友于秦氏山庄

蔣 識

名士山中卧春風到草堂亂花穿徑暗新雨灑泉香每過
詩常得同遊興轉狂看君揮洒意雲外鶴翱翔

鏡湖即景

蔣 識

堤柳深無際家家曲港連桑麻塘外雨鷄犬樹間烟畫槩
鷗群狎青山客夢懸何時攜舊侶相約住湖邊

微雨對酒

蔣 識

微雨過青蕪遙峰澹欲無涓流泉脉動新沐柳魂蘇對酒
關河遠論交天地孤栖栖車馬客來往倦泥途

荆溪返棹雜咏

蔣 識

客路秋將盡，清霜苦鬢侵。
晚峰無定色，落葉有歸心。
水氣浮孤嶼，人烟隔一岑。
尚堪漁父侶，入世未云深。

其二

蔣 識

巖折舟隨轉，村深霧半封。
蟬聲生野靜，鳥道入烟重。
旌泊愁爲客，躬畊愧老農。
故人忽相喚，天外看奇峯。

其三

蔣 識

晝靜猶餘暑，宵深始怯寒。
短檠吟自苦，長鋏坐羞看。
水岼圍光聚，烟巒落照殘。
同舟得良友，未覺雁行單。

過一梅亭和壁間韻

蔣 識

始識家山隱今來未覺貧
早梅枝上發殘蘚石邊皴
紀曆忘秦歲將絲繡晉人
翻書成獨坐蕭洒樂吾真

其二

蔣識

臺榭依峯列蓬蒿闢徑新
烏巢無落穀稚子亦稱仁
日暖栽紅藥風高擁翠輪
悲歌因底事且作飯牛巡

其三

蔣識

仰籍先公力常留故老居
誅鋤聽兒輩吾道在樵漁
地僻忘名累身閒覺體舒
紛紛蠻觸事鳶鼠任軒渠

其四

蔣識

幾載他鄉反清風訪故山
爲尋高士話遂破俗人顏
花綻

迷行徑雲飛待啓關相將看溪水曳杖名陽間

賞荷讌集得江字

蔣 識

會結白蓮社朋來暑氣降簷牙呼鶉鴿詩腹倒銀缸驟雨
翻荷蓋名花映月窓此時興不淺大雅筆如杠

哭胡清濤

蔣 識

嚴陵愁老病相約未相親

初六日約嚴焦村同晤不果

到此成虛願何

時與細論珠璣餘咳唾筆硯已風塵舊事如流水思君痛

幾巡

其二

蔣 識

高尙先生志今年已六旬画來閒處妙吟到醉時真獨行

吾方愛懷清孰與隣不堪風雨夕天乃奪斯人

雪日雜咏

蔣 識

門外行人少窻前冷氣親歲新三尺雪梅發一株春清白
傳家寶孤標絕俗塵任教寒徹骨謀道不謀貧

其二

蔣 識

一雪經旬日柴門長閉來有人宗大雅無客賦高才瓶裏
茶花放窻前梅樹開縹緗滿萬帙得解喜盈顙

遣興

蔣 識

猶紀尋仙夢名山入卧遊久踈良自愧有興或忘愁詩社

當年事

謂碧山吟社

蘭風此地留近緣成懶癖欲往一無由

思惠

也山

其二

蔣 識

仙客乘風去

謂對巖
尊師

亭荒久未登聽松空有夢寄暢又何

曾曲澗流紅雨綺欄映碧澄迄今還記取會向野人稱

憶秦

也園

其三

蔣 識

好雨知時節良苗頓寸長卽看雙鬢改番喜老夫狂高調

懷先哲同聲思讓鄉

無錫古
讓鄉也

生平免憂患有酒且稱觴

樂時

也雨

其四

蔣 識

新挈廟灣水還添日鑄香祝山分秀色湖堰漾清光火熱

爐中趣風開碗面凉寥寥桑苧叟千古味同嘗誌廟泉也蘭風祝家

山有廟泉味甚清冽甘美少遜惠泉惜未遇桑苧翁品入泉譜耳

其五

蔣識

晝卧殊酣美狂歌亦解頤雨消三伏暑興寄五言詩竹徑

開生面蕉窓展綠旗床頭韜劍氣未暇理雄雌安時遇也

桂集卽事

蔣識

難得名花發何慚雨後馨有詩真快事得酒不飄零祠卽

泉林勝人忘爾我形上人還有約惜別細叮嚀時有再集二桂之約

其二

蔣識

愛殺祠邊路終朝幾度經樹深圍冷翠水繞映空青桂喜
開筵賞香湏小坐停此情不易得風雨夜來聽是夜大風雷雨

石琴次翁錦紋韵

蔣 識

分雲斲碧岑抱璞是真心峽雨流清響山風吹古音曉陳
苔骨瘦秋老桂叢陰孰謂陶公嬾無絃趣最深

秋日

蔣 識

秋日易為暮臨流一徑斜疾雲驅去鳥落葉襯殘霞蟋蟀
憑床賦芙蓉隔岸花夢魂清夜裏栩栩欲忘家

秋夜雜興

蔣 識

一帶秋山影虛凝落草堂風高蟬背葉月冷雁頭霜殘燭

搖書幌清樽伴錦囊綠波如可涉欲採芰荷香

丁卯元旦試筆

蔣 識

今來五十八日苦塵迷紮頓吃捧頭驚方知有眼瞎春回
地脉舒梅放天花撒此際有真樂忘言時省察

尋朱子書院遺址

蔣 濂

山水互迴合到來忘淺深紫陽聞有跡春草一相尋野徑
生樵牧蒼碑觸古今誰爲寤歌者風月待鳴琴

詩七律六十九首

永州陪鄭太守登舟夜席賦詩

蔣 肱

江頭朱紱間青襟豈是仙舟不可尋誰敢強登徐稚榻自
憐還學謝安吟月疑蘭棹輕風起妓勸金壘盡醉斟翦盡
蠟紅人未覺歸時城郭曉烟深

吳淞江

蔣 堂

江人見我謂誰何行李無羈野意多六幅青帆趁潮去一
罇白酒扣舷歌沙邊歷歷辨雲樹島外濺濺弄月波興盡
歸來還更喜舞鷗相送入烟蘿

清涼寺望大江

蔣 鯤

為清詩思遠塵囂路入清涼不憚勞野寺白雲迎客騎西
風黃葉點征袍長江極目鴻溝小古壘排空雉堞高四海
一家全盛日不因南北嘆波濤

過平康里

蔣 鯤

十辰橋下烟花市愧我來遊髮白時秋水滿川飛畫鷁夕
陽半壁弄騰脂青山照我詩千首紅葉留人酒一卮于役
天涯多浪迹倚門有子望歸遲

水仙

蔣 坪

冰霜同結歲寒盟得水能仙不染塵碧葉翻風羅袖薄金
杯承露玉盤新相期蕙草春為友甘與梅花冷作鄰自是

凌波仙骨異香魂隨處伴吟身

洞庭中秋

蔣 鑛

翠微遙聳萬峯蟠醉裏乾坤轉自寬
遶地白雲歸嶺去中天明月向人寒
星搖叢桂當窻落露洗秋山立馬看
指點龍門頰尾倦五湖烟樹蔽長安

題華補庵菰川圃圖

蔣遵路

南郭先生隱薜蘿相傳耆舊日經過
此圖彷彿移丘壑想見風流足咏歌
菰米秋深魚浦濶藕花香接稻田多
不知勝地殊今昔悵望前溪有逝波

謁岳王墓

蔣 識

自古忠奸不兩生何堪老檜此心醒計行絡繹金牌速寃
沒糲糊鐵案成遂使兩宮無土掩空餘萬姓仰英名我來
拜謁靈如昨浪打西陵起戰聲

重過文溪朱表兄留宿夜深感舊
蔣 識

飄零忘却一身愁二十年前此暫留翠竹猶生歌石畔綠

槐還蔭短墻頭重來酒况逢新款半沒親情悵舊遊大表兄石

安昔同筆硯今亡久矣我已歸家舜水上別君相隔暮雲秋

賦得草舟相送素蛾行用菊坪侄韵
蔣 識

草舟送爾到前亭幾度風吹似轉萍隻影隨波浮上下粉

衣逐浪漫留亭昔來滿腹絲綸富今去全身縞素形化蛤

化蜃多幻術自茲離垢入青溟

賦得春風滿若耶

蔣 識

幾年不到若耶溪今日春風滿四隄紅見迴波花影動青
知烟浪草痕齊柳飄欹岸魚驚躍樹晃中流鳥畏栖乘興
貪看渾未返小舟夜繫鑑湖西

奉祝芋園華夫子

蔣 識

先生道貌獨翩翩正氣雄文邁昔賢白社才名能有幾青
峯佳句共爭傳雲山樂志懷今古典冊怡情老歲年自是
地行仙種子紅泉碧樹日高眠

其二

蔣 識

花發雲亭逸興饒
籃輿竹杖儘逍遙
千秋理學宗濂洛
一代文章重海潮
床上只餘圖史積
帳中幾見管絃調
欣逢劍閣懸弧日
還欲攜經泛畫橈

奉懷華文友先生

蔣 識

爭逐驂騑萬里塵
南齊世望迥嶙峋
人誇夫子如程叔
我道先生是穎濱
掃盡粃糠清濁世
力追正始見天真
瓣香已下涪翁拜
梁月鷄鳴倍愴神

贈徐二磯

諱于朝號也軒與朱櫛香友善得誦其詩并悉其爲人詩以東寄

牢落休爲梁父吟
也軒古調獨彈今
朱君已共爐灰坐
蔣子行將笠雪尋
聞說興豪常縱酒
更知情重喜分金
茫茫

四海皆兄弟流水高山奏賞音

呈陳澣山夫子

蔣 識

先生真是地行仙瀟灑風流邁樂天幾載心儀明道席一朝興放子猷船坐深塵散瓊瑤屑資淺茅生尺寸田那得埃塵俱撒手好從元禮供吟鞭

其二

蔣 識

擲下金章謝紫宸悠然湖海作閒人崆峒壘逼堂堂陣先生

嘗自許文不讓崆峒文範名高籍籍新先生出守銅仁曾許楊從孺子借何

妨官似戶鄉貧感深永祚銘先德時蒙為先父作誌銘無限神馳耶

水濱

憶老母生日

蔣 識

人生七十古來稀我母明年願莫違
四代一堂同聚慶九如百福共瞻依
庭餘甘露和春酒時中庭甘露花開
座有仙風繞彩衣最是形容描不得
此中乳慕自遄飛

賦得餘春紅紫尚菲菲

蔣 識

懶去詩篇興若何一春城郭少經過
花含宿雨紅偏好色映朝霞紫尚多
為愛古風堪自惜還知逸興未曾磨
使君下問虛懷切也學傴僂漫放歌

其二

蔣 識

誰解今朝作勝遊花枝含笑映山樓
紅霞一片鮮鮮漾紫

陌千重故故留文思天開同二月詩壇風雅振千秋日長
不覺留連晚明月東風最上頭

過三平庵見壁題句感而和之

蔣識

半山庵外路逶迤乘興來看壁上詩花到開時無識者酒
逢知己復何之漫言富貴栽培力誰解風流絕妙辭珍重
臺前吟賞地山靈應笑我來遲

頌邑侯趙琴崖夫子

蔣識

乍聞風采邁旌揚今識韓荆玉並芳孝友文章天下士神
明父母佛前香每思懷刺龍門近其奈非公偃室長擬作
新詩歌滿路他年惠思莫能忘

贈周文遠先生

蔣 識

洒落襟懷滿座春
踈簾高閣况無塵
漫論學富宜經世
且喜官清不誤身
一脈濂溪思道契
三間歐冶樂天真
菁江自昔多蘭蕙
蒙養還同化雨均

題秦園壁

蔣 識

園名依舊似當初
來見傷心四壁虛
多少刻有無仙客
坐庭除
山鶯歲歲啼春草
岸柳條條護水居
見說 聖恩寬詔大泉南
魂夢近何如

十三日雪步焦村用東坡宿乾明寺韻

幾日簷前鳥雀驚
那禁風雪遍空行
青山有路迷重嶺
白

璧無瑕合兩城待月爭光情更好與梅尋興喜還晴停杯
細嚼東坡句夾和松濤湯沸聲

五十自咏

蔣 識

年來五十鬢毛斑自愧蹉跎失壯顏最是閉門宜客去何
妨踈雨得人閑霜寒木落天心見春早梅開地氣還久矣
非非今半覺心閒于世亦何艱

感遇

蔣 識

士夫誰是敢云真我豈匏瓜繫此身息羽從教凌燕雀伏
車何得說騏驎漫譏任俠通屠狗誰解憐才屬美人莫訝
嗣宗多白眼妍媸還別鏡中春

蕉花詩

蔣 識

計五年中十七莖花開露渥倍多情瓊漿勝玉和仙酒甘
美如飴佐太羹時得仙訣製酒和飲甘美異常憶昔繪圖常誌盛而今得
句又成行獨憐阿母蒐銷處一勺擎來帶淚傾

其二

蔣 識

簷前新種綠成行風動雲旗閃閃晴漫說金蓮隨地湧那
知甘露自天生摘來點滴堪君飲入口清涼移我情更願
來年當此日同邀香楮祝長庚

夏日卽景

蔣 識

楊柳陰濃暗曲溇周回水繞徑苔深竹枝當戶迎風立槐

蔭臨墻障日陰魚躍鳶飛叅道趣花香鳥語覓知心清華
一枕渾無事長養丹田護紫苓

登巖先生祠

蔣識

祠瞰長江烟水飛南山雲樹作屏扉高情落照千峯出尙
志忘機一釣歸漢主詔新空有夢羊裘衣敝亦何輝至今
曲曲登山路來引清風接翠微

讀聞易章作

蔣識

天地之中民受生凡人孰敢謬知情當于未發觀將發可
卽初盈識旣盈一主日來原有本陽從奇數定無驚三三
九九歸原始餘類相推理莫更

焦村夜話

蔣 識

空齋風雨話平生歸夢誰知此日情鶴遠松梢空寂寂草
深春色自盈盈一生難得仙人笑此夜殊深壯士驚無念
百年聊樂爾海鷗情性定難更

過李莊簡公舊宅

蔣 識

女蘿垂綠翳墻生澗水通池別樣情古訓蘚斑碑上色先
賢墨跡目中盈李公家訓係晦翁先生隸書墨蹟尚存淒涼湖海茅衡舊慘
淡烟霞恠石驚一奠山泉薦芹藻中心仰止夢三更

蔣家墩

蔣 識

祖宗遺墓蔣家墩父老相傳里巷聞一塚荒涼埋宿草四

圍紛擾盡寒雲爲思舊譜留名蹟正欲新碑立篆文搖落
白楊樵牧地令人淒楚拜先墳

癸亥二月廿七日大風雷雨對此茫茫百端交集燈

下賦此感慨係之矣

蔣 識

輒想身儕方外儔積緣塵苦日煎憂妻亡子怨無窮恨雨
駭風驚滿眼愁縱有好懷頭已白儘多未了志難酬夜來
又作遊仙夢笑我燈花語未休

送學博周文遠告歸

蔣 識

回首城南舜水邊春風函丈自年年新歸歲月經綸外晚
節乾坤几杖前教訓有情多汲引門墻何日更延緣行來

某氏家詩 卷之十
張望樞星閣却道清江別是天

其二

蔣識

歸隱柴門綠樹邊正今翻喜得長年儒官故冷超形外官
路雖迂撇眼前白雪半腰空有夢清風兩腋竟何緣祇應
獨上龍泉頂吟倚長江萬里天

恭祝劉太夫人七十

藥齋先生之
母有啓徵詩

蔣識

中壘家風彤史馨母儀爭頌著芳名勤分姜氏清宵縷閒
續班姬石室評愛素至情邁德曜卜年遐福燦長庚瓊枝
玉樹盈堦秀競進霞觴映赤城

其二

蔣識

鶴鬢鸞釵正七旬珠冠翟芾照華茵試看柳署仙風繞恰
是瑤池雪藕新懃德兆開雙鳳舞希齡祥映四明春東南
千里賓僚會群擬靈萱埒大椿

簡焦村先生

蔣 識

几杖相從二十年近來書東架榦邊應時春酒今方熟無
恙青松老更妍雨久不憂來日去崧高還愛此天全東風
昨報新消息墻角梅花欲然

施邑侯雪中簡招賦謝

蔣 識

行看簫鼓出山陰驛使相迎雪滿襟揮手難忘老父淚留
詩聊慰士民心寒侵松骨君思勁春入梅腮我痛深欲賦

東坡家語 卷之一
三
瓊瑤報佳貺却憐才菲負知音

其二

蔣 識

兩城烟樹曉依微正是使君憶我時夜雪敢忘仙客興春
風原與早鶯期去蒙爽氣真成畫今望青雲強學詩他日
別來無限思舜江樓上酒盈卮

題岳王廟

蔣 識

湖山紫翠是逶迤王氣秦城變岳祠金井門庭成舊社春
風冢樹發新枝山河百戰猶微物忠孝一家無盡期遺事
卽今光日月乾坤永與壯侯垂

題湯太守祠

蔣 識

太守祠堂在上頭滄江碧海下交流身爲山岳臨犀浦手
定星辰壓蜃樓仕宦不輕州郡職封疆如爲子孫謀至今
父老同黃鵠能語神功報未休

謁曹孝娥墓

蔣 識

父子乾坤土一堆千尋墓木幾重栽素旗白馬吾家物斑
竹蒼梧何處哀秋近天河還杼軸春歸海市或樓臺邯鄲
片石無他異能使潮聲打岸回

贈袁及安三首

及安先生質直古樸學易善卜時蒙
不棄示以微言敢以易理成詩請教

有過方知易理深幾經韋絕費研尋中天先後還原始萬
象森羅摠是心求我童蒙咸利正隨人小子戒邪陰許多

掛着心頭處會與先生仔細吟

用易方知讀易功聖人原只是中庸乾乾夕惕終无咎念
念存誠始免凶天下文明如日照在田龍象與天同莫言
卜筮用爲小久仰先生擅易宗

見易方知易道純羲皇兩畫盡其神六爻雖列上中下一
物強分天地人中正亡時觀動變剛柔見處測元因試看
八卦生生處指點無非闡發新

送上虞令施緒弘先生

蔣 識

嚴陵有約欲相尋回首清風棠轉陰漫說崇川歸故我敢
言蘭社負初心

時嚴焦村下榻做廬
聞公詩欲歌未就

詩留佳句雲生硯夢

破殘更月在琴歇馬勞君過三徑萬竿烟雨翠華深

次焦村兩貧行韵二首

焦村故友周子太和作是詩已廿載今焦村靜夜追和余

喜而誦之依韻奉呈祗自道其真且以慰先生也

蔣 識

雲山回首一長嗟隨遇安排便作家記得寶恩吟紫萼

寶恩

秦太史堂名時諸名公在座識忝侍從曾有三更露滴牡丹開之作求韓慕廬先生指正而今已四十年矣也

從劍閣賦桃花

劍光閣華先生藏書處庚申在錫先生壽七十觴門下士隔河花放即此命題俾各

成咏數杯且以酬君酒一飯何曾忘我茶屈指歸來三十載

風光敢擬百年華

先生志曠室無嗟樂得身閑子克家廿載吟詩空是夢今

朝有酒且添花青燈靜坐留餘意白日臨書小飲茶且看

寒梅兩三樹春來獨占萬千華

聞湯善公先生訃

先生為餘姚尉十二年歿於官舍萬民悲之故有是作

一張麻紙淚痕深早起開門使者臨留與民生非小惠遠
從天召赴佳音當年飛鴻曾為瑞此日甘棠已作陰無限
悲來歌一曲祇緣遺澤在人心

登龍泉山絕頂

蔣 識

山頂峯腰幾曲盤祠新高聳逼雲巒眼從天際看人渺身
歷塵途入聖難一帶驚濤朝更大兩城苦雨晚尤寒輸他
心地涼如水誨我諄諄作夢看

時王祠新造登山瞻拜歸舟夜夢詢我諄諄人生大

幸非偶然也

夢遊惠山次韻

蔣 識

少作清時遊冶盤老來夜夢眇晴巒
秋風到處攜雙屐勝事于今并四難
震澤遙翻碧浪湧龍光倒浸惠山寒
興酣直欲超人世繡壁丹楓入畫看

遊中天閣

蔣 識

傑閣中天護紫烟登臨仰企古鄉賢
高凌絕巘空諸有俯矚長江洗萬緣
三變認真理解得一言指破道心傳
而今佛火惺惺處秋雨秋風年又年

閣為文成公講學處今作佛舍矣

中天閣火

蔣 識

過此相看劇可憐雕簷華屋摠成烟
薪傳自古應難劫流

傲于今豈盡捐試就靜叅還實德可來講學又中天主張
門戶誠難事恐入浮談涉世緣陽明先生學問過高自成
姚江宗派是亦世道淳漓
之會不可不知

己巳生日四首

蔣 識

平生氣欲吐長虹不道今成六十翁妻死七年勤尙在子
多四點孝相同流光任逐東西水世路誰暗牛馬風萬念
摠蠲惟一事慈靈未妥罪難窮
日怕閒非日杜門杜門誰怨又誰恩殘梅向暖初含子老
竹凌風會蔭孫此去波濤渾似夢現看景貺摠消魂明朝
忽忽燈宵過怎似痴癡獨自存

桃挑屋壞夢中言十年前除夜在我毀墻頽仔細論去年除夜

夢先君窮鳥賦來同趙壹青蠅弔罷感虞翻一人知已堪

消恨千載何人解報恩所喜耳聾徒老大庾樓明月坐黃

昏

梁溪四十紀懸弧絳樹聽歌清夜徂人事向來因倚伏交

情從此亦模糊休驚髮白人空老莫借鴟張口亂塗灑水

蓬山舊時夢詩成翻愧一言無

十九日二首

蔣識

吟喔荒鷄夢乍醒月光雲影度踈櫺人從熱處情宜淡事

到紛時慮悉屏且學冥鴻思遠舉會看孤鶴去潛形靜來

自得無邊趣何用南山刻壽銘

曉風拂拂峭寒輕雪後欣逢此日晴天意若容吾老大人

情猶樂歲昇平桑麻鷄黍通隣曲棣萼梅花憶弟兄余弟咸一

同庚同學歿二十餘年不無感舊之思云昨夢溪山醉春酒山翁為我勸長庚
溪山第一樓為錫山勝槩時夢與諸前輩同飲其中恍惚二十年前事也

東岸喬松

蔣 識

亭亭物表樹河湄不改冰霜貫四時三徑人爭稱大木一方我
更羨連枝舉頭月掛形何迥對面風清骨自竒不盡
低徊千古意懷吟怎不一題詩

書齋卽景

蔣 識

清流一曲水如環坐聽松風儘自閑波面草深魚隊隊窳
前花落鳥關關喜今蘭畹分新土會見梅枝越老顏日逐
階頭春雨足好將譜草細重刪

憶遊會稽

蔣天銘

回首東風上會稽禹王遺廟鷓鴣啼望中丘壑稱吾土夢
裡寒暄憶舊溪錦字勅飛秋雁早新詩裁寄曉雲低獨慚
春草池塘句三徑重逢一指迷

河間謁于中丞祠

蔣天銘

留得生前撫恤恩蕭條祠廟在荒村民從一去思無限治
自重來政不繁漢日英名趙太守周時遺惠鄭公孫空言

迢遞蒙收採落落奇情古道存

栢柳詩 二首

蔣 濂

栽花種竹稱高情賢宰風流迥出塵
樗櫟空閒宋社圃
桐徒詠衛風人栢懷勁質珊珊骨
柳擅丰容簇簇新流灘
端莊兩相並不勞桃李絢芳春

倦勤百里本庸材堆案文書撥不開
未暇農桑省郊牧那
能栢柳向庭栽烏栖鶯宿他年事
綠葉黃芽此日偕永與
甘棠綿德澤鄧侯歸去願重來

詩 五言排九首

遊惠山

蔣之美

維舟上重巘景物近斜暉
流水連珠落殘花碎錦飛
白雲隨步武香鳥傍軒扉
拂井松傾蓋緣崖蘚上衣
池光清可鑑竹色翠成圍
更接高僧話林稍帶月歸

秋月懸清輝

蔣防

秋月懸霄漢亭亭委素輝
山明桂花發池滿夜珠歸
入牖人偏攬臨粧鵲正飛
影連平野淨輪度曉雲微
晶晃浮輕露徘徊映薄帷
此時千里道延望獨依依

八風從律

蔣防

制律窺元化因聲感八風還從萬籟起更與五更同習習
爐烟上泠泠玉管中氣隨時物好響徹霽天空自得陰陽
順能令惠澤通願吹寒谷裏從此達前蒙

日煥萬年枝

新陽歸上苑嘉樹獨含妍散漫添和氣曛曩卷曙烟流輝
宜聖日接影貴芳年自與恩光近那關煦噢偏結根誠得
地表壽願符天誰道陵寒質從茲不曖然

秋稼如雲

肆目如雲處三田大有秋蔥蘢初滿墅

類詩作
蔽野

散漫正盈

疇稍混從龍勢寧同觸石幽紫芒分幕幕青野

類詩作
青夜

澹

油油始慳倉箱望終無滅裂憂西成知不遠雨露復何酬

玉卮無當

蔣防

共惜連城寶翻爲無當卮詎慚君子貴深訝拙工隳泛蟻
功全少如虹色不移可憐殊礫石何計辨糟醅江海誠難
滿盤筵莫忘施縱乖斟酌意猶得奉光儀

至人無夢

蔣防

已願希微理知將靜默鄰坐忘寧有夢跡滅示凝神化蝶
誠知幻徵蘭匪契真抱玄雖解帶守一自離塵寥朗壺中
曉虛明洞裏春翛然碧霞客那比漆園人

題杜賓客新豐里幽居

蔣防

退迹依三逕辭榮繼二疏聖情容解印帝里許懸車已去
龍樓籍猶分御廩儲風泉輸耳目松竹助玄虛調護心常
在山林意有餘應嗤紫芝客遠就白雲居

藩臣戀魏闕

蔣防

剖竹隨皇命分憂鎮大藩恩波懷魏闕獻納望天闈政奉
南風順心依北極尊夢魂通玉陛動息寄朱軒直以蒸黎
念思陳政化源如何子牟意今古道斯存

詩五絕四十四首

夜飛鵲

蔣冽

北林夜方久南月影頻移何處飛三匝猶言未得枝

古意

蔣冽

昨夜巫山中失却陽臺女今日妝閣裡獨伴楚王語

樂溪居萬卷樓

三首

蔣重珍

小艇溪邊月來尋萬卷樓遂初讀書處鶴去白雲留
剩有溪山樹書樓跡已沉古人不可見遶樹一悲吟
萬卷注清流孤烟起暮愁龍山半溪落雁影過書樓

窻前

蔣延祚

窻窻鳥雀馴下食掌中頻我去兒童在飛來莫誤身

歸家作

蔣延祚

花窻觴酒淥春日午遲遲游子今無恙高堂喜可知

萱草

蔣延祚

同莖相讓開聯輝耀日光種此教兄弟可以娛高堂

紫霄道上

蔣夢龍

天上聞流水雲頭見落花仙人飛此去何處更爲家

西施洞

蔣鑛

山空蘇臺涼地古西施老小洞俯深溪濛濛蔽荒草

夏雨

蔣鉉

伏枕遲遲起朝來暑雨寒不知村落叟幾度隴頭看

苦熱得雨

蔣 識

蘊隆三日雨清快一天風免得踏車苦真堪慰乃翁

桑家墓

十四日舟過陡門上有桑墓在焉聞其墓時曾被豪累訟不禁感從中來情詞畢露也

聞上桑家墓當年被豪怒我聞心惻然指看話無數

滄浪亭

蔣 識

久作濯纓想今來暢心目愛其朝暮間清輝媚幽獨

文文山

蔣 識

孤掌鳴天下夢魂泣長夜文山若怕死誰定忠臣價

湖上雜咏

二首

蔣 識

不到西湖上而今又四年我頭髮欲白山色只如前
拜過岳王墓回頭看鉄漢三字獄何忍念此發長嘆

看菊有感

蔣 識

九月菊花黃萬古長如此可憐七夜雨花色淡如水

晚興二首

蔣 識

雲開得晚霽雨氣半黃綠攤書滿床頭下堦數新竹
青草一何長良苗一何短高低上下田落日人聲滿

步月

蔣 識

庭空月如雪左竹右橫梅無聲當夜半有影共徘徊

施全祠

蔣 識

杭州大道橋上臨古祠社多少有心人橋頭來下馬

路上見群婦挑菜

蔣 識

襤褸成群婦低頭抉草苗問之但含淚漫說也魂消

聞蟬

蔣 識

獨倚樹根坐忽聞天外音清秋一葉露幽賞許同心

結網

蔣 識

莫到臨溪羨先時結網來眼方須一寸留與子孫栽

種竹

蔣 識

去年新種竹今喜笋抽芽竚看開鳳尾清風滿故家

鷄豇子

蔣 識

鷄豈圓如準開門早見將煮來還細剝個個落饑腸

十九日夜祠中有聞神語者 四首

蔣 識

風高天地肅秋月淡燈光恍惚人間世神靈下大荒

秋月自佳哉山門風輾開百靈多擁護知是長官回

御史威儀重清風還故廬免教人語雜月夜辨虛無

鎮日東風惡連朝秋雨多海塘潮信過百怪欲如何

雨後作

蔣 識

清秋暑未闌如度火山難一夜添新雨風吹白髮寒

曹娥江 三首

蔣 識

大舜五十慕娥齡纔十四至今江對面兩廟並大地

行行江上路點點江心水不盡哭爺聲猶是隨潮起

曹江接舜江大孝踵相繼奇哉一女娥永配重華帝

讀邯鄲碑

文永世配神為湘夫人之句知非予言之妄矣

了庵

蔣識

舉足入清涼抽身出煩惱會知忙裡閒學向勤中了

漢孝女曹娥祠 三首

蔣識

天無難渡水人有不平波每到百官渡傷心話孝娥

孝娥不怕死甘犯蛟螭窟至今風浪裏生氣猶鬱勃

水能死生人亦能生死人生離死不離方是骨肉親

孝女哭父

赴水死負父屍湧出余每過江謁祠嘆贊爰賦是詩

題畫二首

蔣識

夢裡詩情遠閒中筆力長紫芝本奇秀更愛竹清香
君因望我來為我寫芝圃一醉共春風交情足千古

渡口

蔣本澄

舟子坐索錢客子催行櫓不是同心人相逢何太苦

一日

蔣蘭森

春陰一日晴啼鳥亦歡聲坐惜流光去相思無限情

考歸作

蔣蘭森

人生最怕熱失意便來歸羞見先生面黃昏叩草扉

詩七絕三十三首

壬申閏秋題烏鵲

蔣列

繞樹無依月正高
鄴城新淚濺雲袍
幾年能得喜逢閏雨
度填河莫告勞

玄都觀桃

蔣防

舊傳天上千年熟
今日人間五日香
紅軟滿枝須作意
莫教方朔施偷將

惠山寺

蔣之奇

瀟洒攜家上翠微
白雲凌亂繞人衣
流泉噴薄山前去
應得玄冬作雪飛

題孤嶺

蔣之奇

鮫綃翦下碧雙垂歸挹清風背紫微
北向更登孤嶺去此身還入白雲飛

蓮

蔣棠

湖中綠葉倚風愁膩白嬌紅照素秋
獨有清名汗不得至今難洗六郎羞

荆溪卽事

二首

蔣坪

灘墨銅官色並蒼朝來雪霽玉生光
分明盡是瑤臺路欲訪仙踪卧石床

相國園林傍水開南山相對卽蓬萊
青松怪石紅塵外閒

聞說青籐自寫神種籐花放滿園春而今會讀青籐句滿
眼青黃色色真

十一月十五夢中一絕

蔣識

觀心空妙是真詮此地相逢亦偶緣超出塵埃臻上理自
然爐火現青蓮

余支湖卽事

蔣識

臨山日日爲公忙淺水灘頭眼半黃
幸喜一篙春雨足滿湖波浪屋君王

題張虞門枯木竹石

蔣識

何處蕭疎玉數竿樹邊石畔晚風寒
張君標格元如此每

向人家画

喜晴

蔣識

近來愁雪更愁風十日風中更雨中今喜天開風雪淨橫
山一帶夕陽紅

丁卯臈月十四大風雨渡錢塘

蔣識

海門潮急度錢塘一葉顛狂萬頃茫天爲愁人洗心跡故
教風雨透行囊

雨歸

蔣識

風雨歸橈一葉孤萬般淘洗點塵無忽來月照光明地霜
冷天寒入畫圖

看白雲時往來

渡黃河

蔣 鑣

十年作客見河流每聽濤聲夢裡愁今日長風仍破浪依
稀南岸似徐州

梅影

蔣 識

羅浮斜映月華清素質亭亭碧照橫更喜一枝明鏡裡臨
粧不覺暗香生

竹影

蔣 識

翠雲片片搖書幌月下蕭疎却有聲誰謂淇原千畝竹碧
波低蘸粉墻明

自題已酉易六房回卷

蔣 識

滿目殊藍相映鮮持當白壁傲青錢
謾論水擊三千里祇信臣刀十九年

五弟歸作

蔣 識

歸途風雨夜披簑吹火挑燈醉白醪
爲問庭梅兩三樹梢頭花蕊近如何

梅開簡焦村

蔣 識

種得梅花兩樹香春風滋味已先嘗
嚴陵未審多佳句來擅騷壇作主張

過青籐書屋

蔣 識

買梳

蔣

識

眼見光陰去似梳何堪買此日蹉跎好教機杼
扣絲絲好藝多

憶夢

蔣

識

牛神蛇鬼日當門避暑招涼坐小軒不到梁溪今十載重
尋仙夢一消魂

十年猶憶尋仙夢他日阿誰記惠泉錫山夢中語也

春雨

蔣

識

梅蕊衝寒驚破白苔花浸水翠于藍濛濛細雨兼旬日一
種春光怎奈堪

見白鷗

蔣

識

喜添湯餅白鵬來靈羽高張兩尾開黃卷青燈同汝望他
年莫作等閒猜四月十五黍孫蕙林十八日設湯餅
之席白鵬來飛于焉止宿咏以誌懷

申明亭舊址 二首

蔣 識

棟子辛酸棟葉濃棟花開處日東風他年結個茅亭子
好申明坐此中

蘭風剩有申明地老樹陰陰着意培今我閒情漫題誌留
些坏土重徘徊地就荒歿思欲立碑以申明之亦行古之道也

紀見

蔣 識

瑞氣鐘靈產異材紫芝光恠亦奇哉桃根杞梗同連理好
並嘉禾獻上台丁卯年中庭桃樹產五色芝祠邊枸杞生連理芝晚禾多有五六穗者適張虞門至

命其繪圖
以誌嘉休

望亭遇風

蔣 識

一帆風急正當懸
忽望南城在目前
十日天寒兼雪冷
今朝到岸值千錢

無錫夜話

蔣 識

畢竟雪消紅日麗
那堪髮變白頭新
燈前漫說心
冷霜嚴夜氣真

渡滹沱河

蔣 識

十載浮沉兩鬢消
家貧心計總無聊
今朝又渡滹沱水
馬衝寒野店茅

晚投盤陀驛

蔣天銘

樹色山光日正昏
暗香隨馬過前村
盤陀驛使驚相見
雪烹茶未掩門

賦得二十四橋明月夜

蔣

綠楊紅樹隱樓臺
按舞霓裳翠管催
幾度月明疑身在
廣寒來

耶溪棹歌

蔣蘭森

一壺三萬六千日日
扁舟泛若耶
但得晴和萬事足
棹頭來徃足生涯

